



14
1544
109



夢樓選集序

詩有似平而實奇似柔而實剛者夢樓先生詩是也
 先生為吾岳李兩村先生癸未會試房師起家丹徒
 登庚辰探花由侍讀出守臨安未幾錫級而歸即閉
 戶不出放浪山水終老林泉其為詩于汪洋之中時
 露洶湧于平衍之內偶出橫奇不與人爭勝而人卒
 不能勝不與人爭名而人卒不能掩蓋其涵養者深
 故其色孕者廣表子才嘗有書于余岳翁曰夢樓詩
 其奇橫排派處雖不如蔣趙而細筋入骨神韻悠然
 實為過之知老作家自有定論也其見詩名流如此

夢樓選集序

夢樓選集序

詩有似平而實奇似柔而實剛者夢樓先生詩是也
 先生為吾岳李兩村先生癸未會試房師起家丹徒
 登庚辰探花由侍讀出守臨安未幾鵬級而歸即閉
 戶不出放浪山水終老林泉其為詩于汪洋之中時
 露洶湧于平行之內偶出橫奇不與人爭勝而人卒
 不能勝不與人爭名而人卒不能掩蓋其涵養者深
 故其色孕者廣袁子才嘗有書于余岳翁曰夢樓詩
 其奇橫排氣處雖不如蔣趙而細筋入骨神韻悠然
 實為過之知老作家自有定論也其見許名流如此

夢樓選集序

余就岳翁處得見其夢樓集錄其小半亦可見其大
全矣

嘉慶元年十月既望廣漢張懷澁玉溪撰

夢樓選集卷一

丹徒王文治禹初著

廣漢張懷澁玉溪選

六月二十四夜海舟為颶風所敗溺水獲援同
人或詩見示率爾裁答得四百字

我欲窮溟渤。汗漫賦遠遊。言附博望槎。東向瀨女牛。
親戚攔道哭。朋好抵死留。揮手棄之去。千喚不回頭。
獨繭為絲綸。珊瑚為釣鉤。上春別江色。孟夏臨海取。
望洋發長嘯。豪氣橫齊州。蠲吉揭百尺。祭告羅珍羞。
九帆一以發。凡海舟之帆九葉千里爭轉眸。礮礮走雷電。僮

傲飛驛騶那知中原遠始覺乾坤浮東髮慕奇險積
願今始酬苦樂古相倚快心必多憂矧今履危地豈
得常安流三日屈古米姑米亦名古米七日困逗
溜十日颺母虐纜絕不可收是夜海雲黑萬鬼聲騰
颺陰風扇腥雨怒鯨聞潛蚪洪濤連山上下相躡
蹂巨艦觸礁石似臼以杵投頃刻胥及溺自斷今生
休珠燈起天末金光燦星旂若非神扶持全活可俾
求時有神燈降於島夷亦來援破浪負我泗霑屣出
海岸踉蹌赴行郵赤脚緣鳥道披髮度荒邱生死不
自識反喜諧同壽茂官勤職事吐嗟命且區類面得

煖湯體粥還相調驚定默思維三界真輕濕小年及
大年晦朔與春秋康莊亦摧輪劫堂亦覆舟壯夫七
尺軀詎能老鋤擾海外傳聞見絕勝封公侯生理儻
無乖行住頗自由古米固窮島民愚俗未諭既欣示
祿登球人以九月種稻四五况有林塘幽翼日轉晴
霽碧海如澹油暮景獨散步鳴蟬綠陰稠何啻無魏
晉浩然忘殷周

為袁簡齋前輩題隨園雅集

歸愚晚始達銀髮垂華服苔生癯雨清談鋒不可觸
似村貴公子謹厚逾士族梅岑最少年人文兩如玉

主人更豁達海口。而河目勇退三十春。備享名山福。是皆絕代人。藝苑共尸祝。或如冰雪寒。或似昂昂蕭。或偉如華嵩。或祥如麟角。嗜好不必同。苔岑自相屬。置之邱壑中。此客差不俗。誰家好屏風。倩工摹一幅。

題蓬心所繪瀟湘八景册

瀟湘夜雨

瀟湘合流處。淥淨彈欲破。誰教雲外山。更向波中墮。入夜雨聲喧。有客蓬窗卧。

煙寺晚鐘

遙聞煙外鐘。知有煙白寺。行行煙更深。徑曲無由至。

佇立復聽鐘。依然在林翠。

山市晴巒

山中亦為市。貿遷就平堰。隔岸濕雲生。連蜷橫翠巘。雨過午初晴。幼女提筐返。

漁村夕照

江上有人家。盡以漁為業。薄暮賣魚歸。依村繫舟楫。遙山銜夕陽。紅上秋林葉。

遠浦歸帆

客行久未歸。目斷衡陽浦。忽見遠帆來。微芒隔平楚。脉脉上高楼。深情托誰語。

平沙落鴈
湘岸露平沙。秋心澹無外。鴈陣掠雲來。斜陽滿其背。
此意少人知。試向綠桐會。

洞庭秋月

洞庭浩如海。秋月清光織。天水不分明。盪摩成一色。
何處下飛鴻。虛空數點墨。

江天暮雪

湘山千尺素。湘水一條綠。山寒沁我心。水淨豁我目。
此景昔曾逢。屈指三寒燠。

有所思

有所思乃在碧海之曲。青雲之西。冰關迢遞窮遠道。
竊恐大塊以內。不能稱我夙昔之襟期。少年意氣託
江海。天涯謂有知音在。十年南北走風塵。結交傾盡
金壺春。其中豈無二三賢。達者總非吾心。願見之一
人。東風兮東風。吾願隨爾往來。上下於一氣之中。所
思儻可旦暮遇。相將白雲跨彩虹。

君馬黃

君馬黃。我馬元。君馬紫燕駿。我馬汗血鮮。兩馬相逢
嘶不已。鸞驚龍翥如相憐。銀韉玉勒長安道。並驅不
肯相後先。吁嗟乎物類引重且如此。何況賢豪感知

已

放歌行贈彭晉丞

九歲不識字。梨栗縱遊戲。十歲能賦詩。開口衆驚異。
十三通經術。十五成文章。二十為任俠。凌霄意氣何。
昂藏。頭上雞冠切雲立。腰間龍劍倚天長。縱博甘為
彥道詐。揮盃不讓次公狂。口折群儒如炙輶。力排壯
士似驅羊。破產報讎拯危難。掉臂無端邈雲漢。未容
豪貴繆恭敬。况受小兒閒調玩。坐此蹉跎歷歲年。滄
浪蓬鬢真可憐。空有聲名驚海內。竟無金玉買良田。
燕京相遇對林宿。卻話平生淚相續。齊門有客盡吹

竿。易水何人能撫筑。老驥雖伏櫪。蕭蕭仰天嘶。松柏
值歲暮。蒼蒼無改移。千仞兩頭振衣立。一喝青天成
霹靂。只今誰是信陵君。少年肝膽猶堪瀝。

王孫曲贈向文彥國王之同姓也

王孫亭亭似瓊樹。瑜珥瑤環佩寶璐。華胄天孫千百
年。中山王孫氏猗蘭奕葉含清露。賢王開宴延嘉賓。宗
臣子弟舞羅巾。綺紈隊裡行雲過。絃索聲中白雪春。
王孫少。小諳音律。一曲梁塵有誰匹。絳口應羞北地
脂。紅顏正似東方日。首里地名長虹橋名迤邐通。金鞍珠
勒玉花驄。到處看人如堵壁。誰家嬌女笑書空。殷勤

就我求奇字。螺瑤香醪銀燭膩。憐才情性是天生。不
惜歌喉勸沈醉。王孫翰墨有深緣。國書懸腕揮雲烟。
琉球國書如中國草葉而其蛟龍滿紙我不識但覺
文多不可識王孫頗善之體類芝與顛。匆匆無奈歸期近。未得微辭酌雅韻。瑤
天一碧駕飛艘。瀛海三山但朝暈。從此相思更九州。
世中世外兩悠悠。邯鄲一夜遊仙夢。往事都隨逝水
流。

琉球刀歌

琉球之刀。光照水。水斷蛟鼉陸犀兕。昔者浮槎曾得
此。請為歌行。究終始。彼國之王稱舜天。乃在有守淳。

熙年肇作衣冠。創文字。卻分智巧生戈鋌。此刀合是
何年鑄。疑是三王紛割據。微塵界裡波旬爭。小有天
中羅刹聚。白頭親向我言。謂鄭爾時五行丁錯迂
秉哲噩風著海。血波翻白日。青天散腥雨。天公厭亂。閔闕
鑿金精。降宿誅渠豪。陽水陰火入鎔冶。鯨髓萬斛當
鵝膏。秋霜凜凜寒吹養。飛來橫海雪。一條礪以辨岳
之大石。淬以霸王之巨濤。滄耳使者材力竭。脫光神
人劑鍊勞。君君祝祝。奉球人所助靈異始令鮫窟煙塵
銷自從受吏通中土。遂徹藩封置州府。島尻健士罷
弓劍。久米諸生習鄒魯。此刀繡澀無洗磨。賓筵祇用

娛樽俎乃知封建天地初學士何須拘復古用玳瑁建

國多篡弒及通中國始我如滄海不繫舟持竿偶作

汗漫遊多謝賢王殊禮數瑤笙瓊勺頻勾留臨分

手脫相贈琅玕錦段難為酬歸來挂壁風颼颼至今

深夜號潛蚪

陳其年先生填詞圖

迦陵詞筆辛蘇儔百年圖畫存中州漫羨名姝親翰

翠山來前輩擅風流風流見說遊梁日丁年落魄嗟

行役失路誰憐吐鳳才當筵曾遇驚鴻客妾家細雨

石頭城君家陽羨暮山橫春鶯日日山前轉春草年

年城上生小年同飲江南水飄泊相逢乃於此愁看

落日照夷門信陵孤墳土花紫青衫紅淚兩蕭騷感

事傷春並寂寥跌宕柔情歸彩筆消磨豪氣付瑤簫

簫聲月下增惆悵詞調風前劇悲壯入破音隨流水

迴換頭韻激層霄上一朝奏賦直明光宮錦裁衣稱

體長紫禁揮豪多寵遇紅樓計日轉淒涼生綃寫出

相思意填詞似答迴文字同時都下盡驚才傳向騷

壇成盛事只今披卷省音塵金粉雖銷翰墨真聲伎

何曾關氣節須知髯也自超倫前年親見雲即畫想

到紅粧伴遙夜媛女妖童絕一時旗亭信長詞人價

壯。悔。堂。空。水。繪。殘。文。章。烟。月。共。荒。寒。平。生。懷。古。情。何。
限。莫。遣。傷。心。畫。裏。看。

嘗熟顧氏芙蓉莊紅豆樹歌

嘉靖中。顧耿光自海南移紅豆樹植于虞山
之芙蓉莊。大可合抱。蔕廢。樹在田中。為崔符
所燬。乾隆元年。復長孫枝。近且盈把矣。常熟
顧鎮云。

芙蓉莊前紅豆樹。風枝雨葉數百年。素花冉冉露垂
地。朱實離離霞照天。清陰閱世渾如乍。何人垂老開
亭榭。宋玉家。教庾信居。謝安墩。許荆公。借當時。小劫

換滄桑。滿日興衰弔夕陽。宰相名園荒綠野。將軍大
樹撼青霜。可憐才望傾山斗。璧月歌殘人白首。婆婆
屢顧東陽槐。悽愴還攀漢南柳。見說高秋張管絃。相
思子綴畫闌前。我聞室所東君裏拈花女。親與維摩
薦壽筵。二十年來苦兵馬。那得紅芳迎玉笋。諸天應
是厭萎花香雨。重飄新好者。稱瑞題詩引貝多。供雲
不數曼陀羅。還將剝水殘山恨。譜入烏絲紅袖歌。秣
陵飛散春江燕。烟條彫盡靈和殿。誰知南國女兒花。
堪補東吳耆舊傳。物換星移幾番春。鯨華回首又前
塵。豈唯宮闕餘離黍。廢苑都應愁路人。絳雲一炬遺

書了。此樹亭亭亦難保。菊徑曾經紀。義熙草堂空。自
談天寶。東風吹暖入山城。聞道孫枝昨更生。何日鯨
龍滿春晝。金尊檀板聽鶯聲。

白頭吟

乍可為御溝之水。東西流。不願為玉井之蓮。並蒂生
溝水東西自來去。偶然相值原無情。何如同根草。破
葉交繁繞。無端中道兩分張。使人輾轉傷懷把。長御
昔日未遇時。金徽特譜求凰詞。未成曲調已惜賞。佳
人本是心相知。寂寞當鑪年十五。犢鼻相看淚如雨。
一朝奏賦明光宮。千金忽愛茂陵女。雖有管與荆。何

如雲錦裳。雖有縞與素。何如時世粧。往時思義如山
海。密誓幽期定何在。黃金可變志難移。白日無言意
先改。錦城春月明。錦江水深空照兩人影。不照兩
人心。舉頭卻見雙飛燕。飛去飛來芳草遍。多君贈我
雙明珠。可憐猶繫紅羅襦。君不見魚尾屣。徒魚策策
竹竿之長。不盈尺。眼底鯨華能幾時。男兒意氣君須
識。

射鴈圖為李丈石亭作

平生不解彎竹弓。一言射獵卻心喜。秋天高高塞馬
肥。恨不馳驅古原裏。披圖素練風霜生。金鐵彷彿聞

鏃。錚。畫。師。有。意。逞。筆。力。馬。蹄。直。踏。虛。空。行。鳥。號。之。弓。
赤。羽。箭。游。韁。瞥。轉。驚。飛。電。控。弦。不。發。發。無。虛。遲。速。中。
間。爭。一。綫。鴈。飛。遠。與。青。旻。傍。弓。滿。渾。如。月。初。上。兩。面。
風。毛。未。墮。時。金。鏃。神。光。已。相。向。公。之。治。行。衆。所。推。越。
東。燕。北。俱。春。臺。豈。知。李。廣。射。鴨。手。即。是。文。翁。作。郤。才。
放。衙。無。事。琴。絃。靜。莎。廳。綠。暗。飛。花。影。偶。然。一。寫。胸。中。
奇。塞。草。邊。風。眼。前。騁。千。里。驂。騶。不。動。塵。穿。楊。飲。羽。信。
有。神。寄。言。游。俠。邯。鄲。子。莫。漫。相。輕。儒。服。人。

飛雲洞歌

仙。人。乘。雲。朝。月。窟。空。真。逢。蓬。垂。幕。歷。瑤。倭。宇。大。表。

生。一。夜。剛。風。凍。為。石。不。論。化。狗。之。蒼。飛。鳥。之。赤。城。頭。
之。黑。嶺。頭。之。白。一。齊。鎖。入。洞。天。中。蒸。作。玲。瓏。好。顏。色。我。
聞。上。古。小。有。天。中。秋。雨。滴。媽。皇。煉。石。補。秋。碧。雲。耶。石。
耶。誰。得。知。但。見。虛。空。一。氣。無。留。迹。普。門。菩。薩。出。西。域。
欲。展。慈。雲。度。東。國。戲。揮。花。雨。結。芝。幢。車。蓋。亭。亭。覆。其。
額。一。南。一。北。位。置。奇。非。霧。非。煙。空。靄。積。飄。蕭。直。欲。御。
雄。風。連。蜃。還。堪。駕。唯。霓。復。有。匹。練。橫。空。來。萬。丈。素。光。
懸。絕。壁。銀。河。倒。瀉。溟。渤。翻。盡。日。神。霄。喧。霹。靂。我。昔。渡。
海。窮。扶。桑。雲。海。茫。茫。斗。牛。逼。古。槎。搖。蕩。日。月。傍。自。謂。
平。生。奇。賞。極。不。圖。世。內。有。此。靈。奧。區。使。我。坐。卧。其。間。

長歎息。會看膚寸起空中。灑向春疇作膏澤。君不見。甘霖頃刻遍人間。此處高雲尚岑寂。

無錫錢瑾巖工為詩歌兼精音律新詞自倚有。姜白石之風頃余攜瑤生及鈿郎奉過彈絲品。竹畧展閒情瑾巖爰製哨遍一闋贈瑤生製紅。情一闋贈鈿郎續又各贈絕句如干首重章往。復詞音斐然昔賢云世人但解錦纏頭與汝作。詩傳不朽瑤鈿二生獲此可以傳矣二生粗諳。文義頗深知已之感求予作詩致謝。

龍鍾病守擲手版萬事浮雲不挂眼尚餘結習未消。

除愛近紅牙與金管去官無復持一錢二生相伴猶。

清妍興來腰笛向秋月一聲吹破千林烟高言識曲。

姜白石閒暇相思便相覓黃河親授畫壁詩。瑾巖能歌黃河

遠上詩因絳帳戲登講經席瑾巖曾與鈿郎同新詞

如綺寫夢光微吟齒頰生古香若翻新譜被絲竹定。

教三日音繞梁東裝早晚尋歸路春風綠到江南樹。

應借樵青及漁童蓑笠飄然刺船去相君合是梁柱。

材即看駟馬相如來倘余恃舊邀吹笛好踞胡床弄。

一回

夢樓選集卷二
丹徒王文治禹卿著
廣漢張懷桂玉溪選
化崇
...

夢樓選集卷二

丹徒王文治禹卿著
廣漢張懷桂玉溪選

解郡

我生本是江海人。箕踞長松磅礴俚。偶然作賦侍彤
廷。簪筆頭廳趨駁。姿典郡新。思豈不盛。邊陲重任殊
難荷。有如猴猴入布袋。又似老兵挽官笏。矧今軍令
正分明。坐待窮荒掃么麼。自惟拙者宜退居。所司以
陳吏議可莫笑。一官竟付人。且喜此身才屬我。晚來
對酒忽能狂。曉日熟眠真覺妥。青鞵布襪唯所適。五

岳名山興亦頗。函須行盡黔中山。早向江頭買輕舸。

子頴為余寫山水幀作歌

秋風蕭颯白晝昏。滿堂飛動煙雲痕。朱君奇氣不可
遏。秃筆一掃千嶙峋。枯藤老樹凍欲折。有似臞仙拱
而立。却愁風雨橫空來。咫尺蛟龍起青壁。空江漠漠
遠天黑。帆檣欲過轉欹側。誰家避世古柴門。深鎖幽
篔簹。斷行迹。嗟君一筆千鈞力。他人萬本摹不得。由來
善畫家有傳。鳳雛驥子異毛翮。子頴先大人諱倫瀚以詩畫供奉內廷
憶君報最朝天時。詔君拂素追前徽。中官持給尚方
紙。淋漓潑墨鋪丹墀。君之鬚髯長而奇。畫成上奏天

顏怡更命掀髯當殿廡。賜對不覺花磚移。顧我承明
叨侍從。樗材留滯蠻烟重。因君作畫念舳舨。江湖水
深縈遠夢。

吳中畫舫歌為黃長汀作

吳中畫舫天下無。文窗雕檻青紗幙。帆開虎阜千尋
玉。艣曳山塘萬斛珠。虎阜山堂十里行。飄如綠葉隨
波輕。牙檣轉處紆新柳。桂楫迴時挂落英。落英片片
飛如雪。吳娃舟裡春愁切。生怕春風去不迴。為憐春
月圓。還缺紅頰元。髻碧玉簪。如頰如笑兩難禁。願為
梳子同心樹。願作迎陵共命禽。吳中游讖由來盛。酒

棹歌船闕高興。每逢上巳及端陽。士女喧闐肩背並。
 別有清樽集勝流。琴心詩意展綢繆。瓊筵乘醉吟千
 首。翠黛隨波坐兩頭。玲瓏蟾彩通珠箔。磨閃銀燈添
 錯落。愛聽瀟瀟暮雨聲。故向菰蒲深處泊。黃君閩士
 寓吳閫。白晰微髭。玉立長傳家。卷軸高於屋。結客襟
 懷皎似霜。後堂小部連珠格。秋水暎光射。瑤席不是
 周郎。顧曲才誰能消受。旗亭畫春餘。雙槳過蘇臺。為
 我金壘日日開。身是揚州狂杜牧。當筵曼曼紫雲迴。
 揭來逸趣看逾好。追涼別打蓮花稿。長汀新作詩人
風畫舫圖
 似荷花。花似人。月解多情天不老。外童媛女繡羅襦。

亭際舟中韻不殊。恐惹龍聽罷吹笛。欲邀天笑試投
 壺。君家艷福真堪羨。花氣衣香渾莫辨。白壁難將風
 貌摹。黃金較比春宵賤。辭官病守日頽唐。來往吳門
 一釣航。餘生商確歸休處。還是柔鄉是醉鄉。

余舊賦長句向梁山舟前輩索書。傾來杭州山
 舟次韻見贈。仍用前韻答之。

書家派衍如族姓。或祖風流或蒼勁。環肥燕瘦各有
 取。壁摘蒼顰非是病。古人不礙智無師。後學惟期近
 所性。苦為院體遭檢縛。坐使天情失奇橫。如公札翰
 絕點塵。蓄願多年方敢請。忽然下賁百顆珠。几上黃

庭疑可屏。入春陰晦。決兩句。展向疎窻。玉光瑩。况酌
險韻。擣桂薑。佳句名書。二妙並。但須真本。蘭亭在。聚
訟紛紛。自然靖。年來焚筆事。枯禪見。獵無端。發高興。
詩筒往返。走長鬚。重與鉢。孟安一柄。

題家方川編修天涯走馬圖即送入都方川名
增以第二人賜及第者也

鴻臚紫殿唱曉雲。春雷一聲天下聞。天涯走馬繡簾
捲。婦孺爭識新郎君。寒窻十載挨螢雪。一夕馬蹄花
下瞥。載筆親合青瑣香。校書直上紅雲關。君才天驥
脫羈鞵。秘閣先儲棟梁用。早有文章與福齊。方信科

名以人重。西湖春暖桃花發。官廚共醉金尊月。乍見
渾同夙昔歡。斯文骨肉情原切。示我看花舊日圖。絲
鞭飾金勒。貫珠釣天仙。樂叨先聽夢。回但覺春糝糊。
我添白髮菰蘆底。君向玉堂天萬里。不知當日手栽
花幾度。紅英逐流水。

素食歌答趙甌北

愛生惡死人物同。率人食獸殊非公。娑婆世界本下
劣。如飲毛血號保蟲。聖人憂之制禮節。去泰去甚通
其窮。無故不殺有至理。欲以漸法導瞽聵。陋儒借聖
以非聖。巧為殺生開曲徑。血膏不顧染刀几。刑戮無

非為盤飮。古稱萬物人為貴。良由物性因人正。問渠
於物有何功。一箸公然戕性命。憶余臨兆寓僧舍。借
繙龍藏度夜。繙到楞伽斷肉篇。愧汗淋漓如雨下。歸
來誓持菩薩戒。萬劫殺緣從此謝。閒將慈眼觀衆生。
旭日。和風諧大化。我治蔬食務潔精。匪關華侈誇煎
烹。菜根亦足饜嗜欲。庶肉食者毋絮羹。冬松春筍真
味出。潤蘋溪藻神光清。斡旋衆口心頗苦。不料以此
招譏評。淮海先生折柬邀。喚余庖人代治庖。座間舊
雨富翰藻。就中甌化尤詩豪。遊戲為文逞瑰怪。故相
親重翻訾警。大欲還將食比色。竟謂蒸縞成招徠。我

請諸公酌大斗。一言聽我從頭剖。倡家女士塗本殊
貞。淫豈在形妍。醜淡掃蛾眉。若誨淫節。婦應知。皆嫖
母。滿堂舉酒各胡盧。仰視新蟾折疎柳。

舸齋圖歌為張翊和作

人生不能餐霞乘霧逍遙。五雲之仙樓。即當浮家泛
宅。嘯傲五湖之扁舟。扁舟恣意隨所往。異書萬卷裝
兩頭。春風春江。水初漲。春柳千行共搖蕩。江流聲作
玻璃敲。柳綠色是黃金釀。借問適從何處來。白雲一
片相徘徊。此時若有所思而無所思。恐是臨風覓句
欲得仍疑猜。我昔浮槎海東國。欲向九州之外窮奇

特神靈忽作兒童嬉性命幾被蛟龍得歸來俯視寰
中江漢流凡上一杯徒漫漶君合是朱元章書畫之舫
閒徜徉又疑是歐陽子順風恬波日千里不然還是
君家張志和頭戴青笠身綠簑斜風細雨撐得小舟
出吞雲吸露揚清歌君本山抹微雲之女壻閨中對
擘紅牋膩翊知為鮑步江古來才子必神仙胡不赤
簫碧落借遊戲女婿妻亦工詩秋水浩蕩連蒼穹江岸恐與銀
河通便須摘星天孫之織室弄月姮娥之桂宮此舫
輕小難遠涉為君借取古槎河上翁

冬至後二日秋帆制府招同羅慎齋山長張忍

齋學使登岳麓絕頂

海納萬水斯深深岳羅衆山斯森森衡山七十二峯
相輔弼至此直注湘江陰湘江涵青山削綠百道煙
霏散還束以山臨水此其巔以岳觀山此其麓制府
夙鍾川岳靈言自華嵩移羽旌嵩形如卧華如立未
抵大賢胸次雲濤橫我持漁竿過洞庭天風三日揚
飛舲維舟正奏款乃曲又邀我向名山行烏府先生
返珂里慎齋前筆紫薇使者輜軒止忍齋學使皋比說經鏗若
鐘玉尺量才澄若水是皆海內之大儒高懷襟學同
而殊平時雪棹何處訪忽爾星堂異地俱從來氣類

相感發。如谷應聲。磁引鐵。制府才名三十春。朝野傾
心拱卿月。是日風和天。宇朗半陂浸。山蒼林莽捫蘿
穿磴出。幽岑豁然江流瀉。胸平似掌。歸塗夕陽松樹
顛。山中沉沉如小年。人生獲此友朋山水樂。不羨蒼
城蓬島為飛仙。

袁簡齋前輩給假歸娶圖

隨園示我歸娶圖。乃是五十五年前所作。封題剝蝕
絹素殘。畫裡神光獨。陵轢先生之才曠代希。先生之
遇尤太奇。若使當年致令僕。腰垂金帶神先疲。天公
好在善位置。或豐或嗇別有宜。仕隱之外闢一境。總

非世間意計之所期。即如科名人共羨。登科歸娶誰

弗願。稗官院本作常規。求之史冊豈數見。館閣百年

惟五人。公與史文靖相國秦芝軒開五人面目各有

真公也。府祝芷塘侍御李松雲太守似海窮鄉。孺俱樂相近而相

親。公之艷福良難得。不僅房中樂琴瑟。青樓爭欲嫁

者。卿逆旅無端到紅拂。歸娶時誇春月柳。彈指之間

雙白首。樛木雍容附葛多。成就才人縱詩酒。竭來垂

老檢巾箱。馬上依然白面郎。往事原知總春夢。藥痕

偏送舊泥香。

閨苑司花歌為閨秀畢蓮艇作

人。間。百。花。開。復。落。閨。苑。之。花。常。緋。約。人。間。時。序。冬。復。春。閨。苑。寒。燠。常。調。均。誰。向。花。城。掌。花。柄。東。皇。特。拜。花。司。命。總。為。多。生。慧。業。深。千。紅。萬。紫。心。光。映。我。讀。列。仙。傳。麻。姑。曾。用。花。為。膳。又。讀。維。摩。經。散。花。天。女。長。眉。青。花。耶。人。耶。兩。莫。分。總。是。文。章。大。塊。揚。精。靈。江。淹。小。子。盜。絲。筆。東。塗。西。抹。誇。寧。馨。一。朝。索。還。歎。才。盡。豈。知。此。才。亘。古。留。蒼。冥。蓮。艇。主。者。烟。霞。骨。前。身。只。愛。依。明。月。偶。然。游。戲。到。人。間。猶。傍。奎。婁。啓。門。闕。蓬。心。為。製。司。花。圖。青。筠。作。筐。玉。作。鋤。遍。採。奇。葩。歸。閨。苑。雲。階。霧。殿。從。開。敷。竭。來。小。住。楚。江。上。素。溪。仙。人。共。醉。倡。蓮艇之姑
適沈氏名

汾詩才。澧蘭湘芷入毫端。香風時向重簾颺。復與空
奇與。王結淨因。猊座同修。花供養。我聞琉璃世界。花藏成。
蓮花五色黃金莖。花結胞胎神煜燦。花為樓閣光晶
瑩。何不邀取蓮邦諸上善。各將衣被盛花天外行。

陳檢討紫雲硯歌為望之親家作

迦陵先生愛紫雲。詞場流播成美聞。至今辟疆園中
過一花一草猶芳芬。文人文筆奇如海。萬狀千形逞
殊彩。天公有意助戲劇。幻出層雲若相待。我聞端州
之石肌理勻。手摩冰膚如美人。或言佳墨遇佳硯。名
士傾城兩情戀。閻浮世界號有情。世間種種由情生。

情到蒼茫難解處。無情有情。莫可名君不見江上望。
大一片石。雨雨風風。作人立。又不見美人夜唱音音。
音。曉米墻下得古琴。加陵之才絕一世。紫雲非妙從。
旁侍。艷福清緣誰敢消。却看紅裙是多事。六年別去。
夫如何。惆悵詞如陵為中淚點多才人。鍾情情最至。
不經離別無由試。東風曾發小楊枝。雲也寧無重見。
時。此硯風流足千古。天付君家世守之。



亭樓選集卷三

丹徒王文治禹卿著

廣漢張懷漣五溪選

八公洞晨起

晨興步山麓。零露濕衣裳。沿徑野花碧。到門流水香。
草痕知鹿跡。樹杪見僧房。鐘梵泠泠遠。因之悟坐忘。

戴叔倫墓

長蕩湖頭水。西禪寺外邨。野花濺客淚。香草葬詩魂。
風急雲無色。天寒沙有痕。樵歌與漁唱。終古送黃昏。

城南晚步

最愛城南路。無人自往還。孤舟。雪岸獨樹。夕陽山。黃竹圍池館。紅橋卧水關。戴公招隱處。幽絕未能攀。

遊歷下古亭晚泛大明湖

唐賢題句處。我輩此還經。落日感遺堞。秋風上古亭。荷香隨酒遠。山意入城青。莫唱陽關曲。江湖有客星。

歲暮

歲暮遠遊客。端居意若何。野霜零草重。高樹撼風多。此地盛冠蓋。頻年負燕蘿。誰憐湖海氣。羈旅未消磨。

過鉛山懷蔣心餘前輩

故人已投紱。尚未返邱園。而我忽作郡。過君故里門。

魚榔洞口渡雲碓。水邊村。此夕瞻瀛署。空思雞黍言。

黔山

見說窮檐下。饔飧不易謀。水寒如冷玉。田隘似文楸。積雨石衣滑。鎖雲山黛愁。此邦真瘠土。何計解民憂。

商寶意前輩挽詞

文舉忘年友。元方部下民。寶意曾為吾郡司馬每從金齒外。同憶玉堂春。詩借郵筒遞。經從官解論。鑑湖三百里。白首負垂綸。

余至吳門。吳竹與同年。邀寓話雨亭。適程魚門舍人自揚州至。連榻兼旬。晝則接迹出遊。夜則

剪燭道故自余辭春明門不獲此樂久矣爰與
魚門竹輿各賦五言以紀之

程髯天下士別緒七年中官被吟詩折金緣結客室
合并良不易遊賞每教同勝絕西山路籃輿樹影籠
屢欲解維去畱連更極歡主人情太重我輩聚原難
話雨邀題榜竹輿構亭未有名因余與魚門
會寓乃榜曰話雨合為書之何時再
倚闌加餐同努力珍重鬢絲殘

寓晚香園贈菊田

人有湖海氣園依竹樹斜友朋為性命詩酒度年華
春雨三篙水秋田半畝花頻年真有幸兩度到君家

擬步虛詞

大道本無名共芸萬類生日開天上眼雷出地中聲
水火調為鼎雲霞化作城瑤華真種在春暖龍耕
阿母慶年華仙桃正作花絳村含碧雨綠髮映朱霞
靈杖鳩頭古天書鳳尾斜星娥千隊玉都擁七香車
樓因關尹建宮是少霞銘鏤月雙鸞闥搖風九子鈴
金漿春酌斗玉磬夜讓星雲外仙姝過停花帶笑聽
元關深復密真竅閑還開有意探鸞穴無心孕鶴胎
前程丹籍注後命玉書催鳳札留高弟花開定再來
洞門明月鎖苔路落英封羊卧皆成石龍躡盡化松

纔同蕭史別。又與羨門逢。小試長生訣。來聽上界鐘。
金烏翔兜密。玉虎躍龍潭。粒米鐺中煮。微塵鏡裡涵。
靈臺抽乙乙。神戶啓三三。不借漁郎引。桃花路舊諳。
忽然乘六氣。電轉復星奔。夜泛天河碧。朝看海口暎。
出教龍守窟。歸遣鹿磨門。獨步瑤壇上。金爐火自溫。

登小孤山

廿載經過處。今朝始到顛。窄無容足地。高有礙眉天。
萬竹捎雲動。孤峯壓浪偏。餘年縱登陟。亦自具清緣。

暮春遊棲霞寺

世外招提路。人間處士山。留太古碧。松是六朝青。

曲折攀危磴。糲糊讀舊銘。日斜清梵遠。古殿和風鈴。

舟中晨起

日出尚含霧。江平似接雲。山明高始見。樹暗遠難分。
徐熟舟人飯。全開草色薰。微風上帆腹。波韻喜初聞。

觀冊封禮成兼贈紫金大夫鄭秉哲

大瀛三島外。小界九州東。合沓山蟠踞。瀚淪氣鬱葱。
有五稱守禮。奉職最輸忠。正朔滄波遠。名藩辨岳雄。
葵曾重譯獻。琛已百年通。纘緒修侯服。封章達帝聰。
璽書儀部發。使命侍臣充。秉節將天語。揚帆駕海風。
迎恩冠蓋肅。適館豆籩隆。謁吉開丹詔。凌晨啓雪宮。

前驅黃繡織。後騎紫花驄。周道平如砥。連橋曲似虹。
街臨柳子碧。牖出佛桑紅。處處垂朱箔。家家結綺櫳。
拜瞻來父老。喧笑聚兒童。次第穿雲磴。廻翔轉錦幃。
建邦良已古。喬木盡成叢。輦閣聞銀漏。門漏蛟涎滴。
石拱瑞泉大廷宣聖訓。香案表臣衷。黃紙題絨鳳。彤
墀序列鴻趨踰。如對闕。舞蹈聽呼嵩。內殿開筵敞。官
廚辦膳豐。錯惟會長貢。三十六鳥之長歲。鮮得獸人
貢。方物悉以宴賓。
羣奔走俱庸敏。盤飧遠僕僮。是日使臣僕
役俱有宴。歌徵弦歷
啞。樂奏鼓逢逢。簾捲山光秀。窗延海色融。杯行歡已
接。火繼譙方終。小相趨章甫。儒臣倚鄭崇。詩書鄒魯

士鬚鬢綺黃翁。石鼓曾披薛。金臺舊剪菘。秉哲曾入國
子監讀書
翩翩鸞入掖。噦噦鳥鳴桐。君意勞傾蓋。予慙類轉蓬。
鷄居厭鐘鼓。鸚鵡避樊籠。汗漫身何託。風塵面久蒙。
星槎隨幕府。蠻語學參戎。雪暗孤鴻過。天高一鶴神。
乾坤青眼在。山海碧雲空。冷露馨巖桂。清霜變岸楓。
相期携酒盃。還與遞詩筒。一笑人間世。交親氣概中。
古意
紈扇綃衣奉至尊。歸來烟柳鎖宮門。三千粉黛難防
如。一代紅顏莫保恩。洛女迴時空有枕。明妃去後已
無村。何知十五盧家婦。春水鴛鴦曉夜溫。

迴腸

一迴嬌盼一迴腸。無力春風倚玉牀。鸚鵡聰明初學語。梅花清瘦未成粧。臉波紅暈春江曉。骨黛秋橫碧岫長。自恨身輕輸白燕。等閒飛得上釵梁。

攬秀山房對雪送邱玉卿北上

天寒雪擁大江陰。惆悵臨風欲罷琴。有客鳴鞭都下去。何人擊節郢中吟。夜殘燈穗含離思。春到梅花見故心。傳語斑駁莫馳驟。錯刀錦段易沾襟。

上巳日同人修禊浮玉山亭有懷李四琴夫

天桃三月紅雨飛。水邊修禊春風微。采蘭仕女青玉

珮。折花郎君白袷衣。接天草色日將夕。滿路鶯啼人未歸。記得去年山酒熟。一樓明月吟芳菲。

食荔枝

也似東坡為口忙。天南新得荔枝嘗。旋攀叢綠雲猶泣。乍擘輕紅手亦香。螺女江頭垂橄欖。乞諸城上摘檳榔。客窗朝起涼於水。蔡譜先教仿數行。

姑米山和友人韻兼呈周景垣全斗南兩冊使。豐草深林大海濱。路迷真到武陵津。莫嫌荒島衣冠異。且訪名花杖履頻。螺殼今朝新釀酒。鯨濤昨夜暫時人。使星戀闕憑高望。何處祥雲是紫宸。

次日豐見城按司携首里諸公子見訪更索新詩再賦二首

一行金勒響瓊瑤公子群過水竹居
少髮也堪千萬直綺年多是十三
餘將離更唱紅蘭曲相憶應看青
李書鸚鵡香膠斟酌遍不知涼月
透交疏

那霸清江接海門每隨殘照望中原
東風未與歸舟便北里空銷旅客
魂盡夜華燈舞鸚鵡三秋荒島狎
鯨鯢他時若話悲歡事衣上濤痕
並酒痕

冬夜邦江客舍小集同陳楚筠
暨東有徐恭遠少林

漁竿滄海久無家紅燭深杯惜歲華
結客平生看古翹忍寒通夜待梅花
邦溝鐘定潮聲遠旅館霜多
影斜今夕雲龍歡把袂渾忘我輩
各天涯

秋草

楚客悲來自不禁謝家夢斷鎮難尋
看殘愁外千山色抽盡春前一寸
心明月何人吹塞管涼風昨夜急
清砧萋萋自送王孫去引領平蕪
直到今

送周景垣閣學視學江西

滄溟當日泛星槎生死相依天一涯
石筍夜涼陪嘯月扶桑秋霽共尋
花魚龍蟄處濤凝練蛟虵驚時氣

散霞蠻語參軍調笑好。只今殊域尚籠紗。閣學有參

如真之句蓋謂
余學琉球語也

癸未分校禮闈感懷虞山笠園兩座主

龍門咫尺白雲天。感遇慙思獨惘然。滃露新梢纔幾
个。霜霜宿草已經年。三朝經術元成貴。一代風華仲
寶賢。履跡衣香渾似昨。後堂無復到彭宣。

送朱子穎遊江南二首

孤帆浩蕩又南征。滿路蕭蕭落葉聲。夜雨十年渾作
夢。秋霜一劍識平生。故交誰念西華葛。壯志難忘北
闕纓。更欲箇重餅與餅。那堪長自絆浮名。

當年燕市和悲歌。只有荆卿感慨多。肯信奇才終
落已。憐豪氣半銷磨。江潮接海紅銜日。山翠連城翠
暈螺。儻過鄉園勞問訊。敗畦仄巷近如何。

寄鮑雅堂

滄海半生為客久。詩人相得似君難。菰蔣鷗鷺盟應
在。鐘鼓鷄鷄性未安。綺語至今餘結習。放歌何日罄
交歡。分明記得齊名約。火時與雅堂讀滄溟集王齊
名他日事側目此時人慨然寂寞誰能身後看。

送曹素為令新都素為余癸未禮闈
分校所得士也

馬首春深指綠蕪。江山今古識魚鳧。峰迷白雨千盤

峻。棧。入。青。天。一。線。孤。簾。肆。有。人。還。待。訪。芋。田。無。稅。不。
須。輸。微。聞。父。老。相。傳。語。只。望。文。翁。再。剖。符。

送張度西之任西江

旅。食。秋。霜。久。漢。京。一。官。聊。慰。濟。時。情。杯。從。郭。隗。臺。前。
盡。風。到。滕。王。閣。下。輕。科。司。何。能。重。名。士。詩。書。端。的。繫。
蒼。生。潯。陽。九。派。青。於。染。從。此。春。波。聽。政。聲。

過東阿縣

千。疊。峰。攢。百。雉。開。此。邦。曾。識。魏。王。才。同。時。徐。阮。原。非。
敵。絕。代。劉。盧。惜。後。來。煮。豆。肯。拋。家。國。恨。浮。瓜。時。舉。燕。
遊。杯。誰。知。異。世。登。樓。客。卻。對。空。城。感。綠。苔。

九月十一日夕雨晚晴旅館饒有花竹與昆

陽吳刺史暨張葛二秀才同宿因贈

山。外。依。稀。透。夕。陽。山。行。暮。景。倍。蒼。涼。風。盡。捲。霧。三。
里。小。院。剛。容。月。一。牀。篠。蕩。碧。於。春。水。色。芙。蓉。紅。似。美。
人。粧。天。涯。同。是。無。儔。侶。莫。惜。燈。花。坐。夜。長。

初入滇南有作

一。入。滇。南。嶺。漸。平。中。原。回。望。轉。關。情。濛。濛。秋。雨。秋。風。
夜。得。得。千。山。千。水。程。昨。日。羊。腸。真。絕。境。此。生。蛇。足。是。
微。名。毀。車。恨。不。從。茲。去。無。限。煙。波。釣。艇。輕。

宿黃泥哨在石屏州西百里

小。河。底。低。釜。底。蟠。黃。泥。哨。高。碧。漢。端。箐。林。夾。水。瘴。烟。
熱。山。月。出。雲。邊。氣。寒。茅。屋。三。家。人。不。住。故。甚。也。明。星。幾。
點。燒。初。殘。自。誇。俗。吏。還。非。俗。松。樹。陰。中。候。上。官。

農家

漫道滇南是極邊。農家風味故依然。新秧嫩似春前
草。遠水青於雨後天。村婦饁餘分犬食。山童牧倦任
牛眠。自慚驛路空來往。又領官中月俸錢。

西賓意前輩來守雲南喜晤有贈

當時典午到江城。先生曾為吾郡司馬。文酒從容報政成。蕭寺
尚留携杖跡。部民都識咏詩聲。雪鴻衝破天如幕。金

馬。還。疑。署。是。瀛。莫。訝。相。逢。便。如。狎。廿。年。前。已。熟。才。名。

歲暮遣興

一卷莊周坐卧携。參差物理漸堪齊。故衫經洗色應
減。新婦作羹顏自低。淮海橋憐終未化。會稽雞豈不
能。帝。浮。槎。忽。憶。十。年。事。萬。里。青。紅。氣。作。蛻。

倉卒

屬草爭傳用左徒。登壇高議日紛如。謾言蛇鳥親臨
陣。已覺螳螂敢抗車。虎旅不遵孫武約。鯁生空誦趙
奢書。夷酋一墜聞堪仗。娘子孤軍直擣虛。
蘭池笠鼓舊聲名。一青何嘗替孟明。軍政纔聞誅後

至將星忽報落前營。九龍移仗邊風急。雙鷓橫霄塞
草平。可惜希文窮塞主。長天落日閉孤城。

揚升菴先生寫韻樓

點蒼山翠點書帷。寫韻樓高俯海濤。自要文章傳
詔不嫌張桂太傾危。脫靴內殿吟詩日。灑淚朝門議
禮時。同是蜀人同被放。永昌歸較夜郎遲。

納樓夷民李鸛齡。工為詩歌。予守郡三年未之
知也。解郡後。李以詩來謁。清韶婉麗。有匹崑之
風。予既惜相識之晚。尤深愧採訪之疎矣。余適
歸。有日。李賦詩四章贈行。其警句云。玉堂老鳳。

留衣鉢。滄海長虹卷釣絲。才力博大尤為難得。
予輒效漁洋贈費密詩體。為長句以答。猶將携
其卷帙。遍示京華鄉里諸同學。不欲使之泯沒
無傳焉。

玉堂老鳳留衣鉢。滄海長虹卷釣絲。舊事都隨雲變
滅。新詞欣見錦紛披。殊方那易逢佳士。識面無如是
別時。自負平生能說項。珊瑚幾失網中枝。

留別錢瑾巖

萬里何期得素交。相逢晚晚別離遙。文人失職多依
幕。倦客傷春下聽簫。浮白重為十日飲。偎紅親待四

絃調歸鞭指處君應羨。隱隱烟波廿四橋。

傷趙桐門羽士

瓢笠相期廿載餘。此生終擬混樵漁。星邊大石邀行酒。枕下滄江借讀書。蕭散予纔盟野鷺。蒼茫君忽跨鯨魚。黃寧欲向求真訣。月落瑤壇花影疎。

夢樓選集卷四

丹徒王文治禹卿著

廣漢張懷漣玉溪選

為郡守錢南浦題溪山覓句圖

思共壘書來日下春。隨麾蓋駐江關。政聲衛颯任延上。詩品開元大歷間。自有清香凝寔寢。未妨雅興寄溪山。圖中竹樹青於染。疑對棠陰十畝閑。

友人有以出山勸者詩以答之

青鞋布鞵儘清狂。故土三年藜藿香。誓墓原非為懷祖。彈冠何必逐王陽。即看僕從衣糧美。却使兒童學

業荒若道蒼生望霖雨自知經世百無長

冬日浙中諸公疊招雅集席間次李梅亭觀察

韻二首

湖波到處接熙陽勝賞重開有美堂官舍別成文酒
國民風好是稻魚鄉池含細穀搖鬆几慢捲晴巒落
羽觴却話春明當日事瑣闌多半舊含香

幾年多病卧江東偶看西湖向晚楓野客鬢毛侵領
白名公旌旆被山紅簿書不礙詩筒並簪履偏教布
褐同諍能新篇轉怙悵難將綵筆和文通

徐補桐先生招集署齋即席以愁字為韻補桐先生

先有句云詞依唱猶含媚同沈雲椒作

講茅耕亭沈蘆士兩吉士李滄雲章桐門兩舍

人楊澄齋觀察姚米山太守

雨過吳山蔚遠嵐街齋折簡盍朋簪池邊促坐人逢

九會者酒畔留春月閨三橫笛偏宜桓子醉時耕亭吹笛復

曲折花不礙寶兒愁主人合足風華首暖玉溫珠性

最詩

題也宜樓樓在西湖之北查香雨別墅也

初白風流今在茲香雨為夏重湖山勾管例須詩施

王合訂東坡註夏重先生舊輯蘇詩補註今香雨洪

北新翻北部詞。王特選詩句。欄爭唱。詞謂東堂稗畦。百尺非關矜意氣。三層只愛近連漪。烟光昨向樓頭看。久雨新晴倍覺宜。

寄懷宋小巖兼柬曹竹虛祝芷塘

每向東華散玉珂。相於花下酌紅螺。歐梅自許賢豪聚。蘇李偏教濶別多。棋局居然更甲子。酒壚真是邈山河。何哉解話當年事。謂李杜也。與樽前喚奈何。

雲坡廉使每歲署齋牡丹花開邀客遊賞賦詩。今春忽有紫色一株不種上而生同人以為希有賦詩尤盛余客杭州未與斯會補寄一詩。

廉使南來冰作衙。唯憑詩句闕清華。曾邀天上神仙侶。共賞人間富貴花。紅粉千叢皆帶露。紫衣一朵獨凌霞。從來瑞草原無種。譜入羣芳又一家。

西安旅次送畢秋帆同年權甘肅總制

高樓聽雨十年前。早結多生翰墨緣。樹記玉堂曾共植。詩來鈴閣得重聯。休猜子美依嚴武。仍是襄陽伴輞川。若到金城勞見憶。雷題多在五泉邊。

送姚姬傳自揚州歸桐城

連江寒雨送歸舟。楚夢吳楓一片秋。浮世從來驚鷺鷥。餘生只合伴閒鷗。他時春樹同迴首。明日黃花獨

倚樓杜牧風情真減盡從今無夢到揚州

春蘭

移取崇蘭自遠岑重幃珍重護春陰輕舒數葉意如
懶。纔放一花香便深。微月半牕燕。姑夢空江千里楚
臣心。老懷怕向沅湘望。憔悴騷魂閱古今。

胡東望招諸同人北顧山僧樓觀大閱次日復

至余快雨堂聽家伶奏技馮愛圃以詩紀之余

和其韻

自選妍詞被管弦雖然彈齒也彈指亦云易矣
醜嬌唱差欣道。圓作山。人。

初筵詞人筆陣壯甲初如幻袖迴小有天

秋帆制府歸自浯溪見示與蓬心太守唱和詩

次韻二首一呈制府一贈蓬心

清絕湘波綠可憐。插空衡岳落帆前。雲如吏部登峯
日。碑認平原勒頌年。擁節獨兼山水福。論文快得友
朋緣。歸來檢點奚囊句。尚帶三吾萬頃煙。

癡過長康不自憐。老誇雙鑠勝於前。戲拈秃筆揮風
雨。笑把深卮度歲年。人事幾多歸昨夢。天涯相聚是
前緣。不逢大府真知己。誰信官貧減幾煙。

恐歸來斷爨煙之句其憐才如此

六十自壽

六旬彈指過雲煙興到初吟自壽篇。身謝萬緣由早
退。眼高千古為通禪。年惟隨分何須假。福已逾涯不
在全。好煞瀟湘對明月。須知屈賈未華顛。時客
少年孤露泣飄蓬。豪氣生於徹骨窮。匹馬燕京走塵
土。橫槎滄海溯鴻濛。屋書球人呼其乞字金樽綠若
善貴公好之憐才玉頰紅。奇絕茲遊千古少。至今回
首大瀛東。
親民有旨選儒臣。萬里遙行六詔春。飯豆羹藜貧亦
守。支風借月老詩人。自甘宦海輸他巧。偏是蠻鄉愛

我真三載皇恩歸五馬。江湖從此乞閒身。

應共西湖結契多。五年常住水雲窩。桃含宿雨蒸為
霧。桂引香風釀作波。故友餽金勞致問。門生載酒數
相過。閒來自製銷魂曲。笑遣紅兒月下歌。

桃花菴

桃花一樹艷。握盞曾占名。藍舊日春門。閉不逢前度
客。溪深欲誤再來人。紅迷夕照還如夢。綠蓋天涯獨
愴神。我願大千花世界。有花開處盡詮真。

潛江主簿署中示三弟季明時季明抱疾

相逢轉憶舊驪歌。三載空添白髮多。同列戲呼髯主

簿。閑。門。今。到。老。頭。陀。病。軀。好。覓。安。心。藥。休。翼。須。謀。息。影。
柯。彭。澤。香。山。俱。止。酒。更。毋。蕉。葉。學。東。坡。

長干行

窗。外。將。殘。月。窗。中。欲。燼。燈。憶。郎。前。月。信。今。夜。下。巴。陵。

東禪寺

微。聽。松。風。響。而。無。鐘。磬。音。禪。房。僧。未。起。初。日。上。東。林。

友人新構小軒索題二首

愛。君。古。城。隈。小。構。半。間。屋。屋。裡。有。異。書。無。人。自。開。讀。
傍。舍。水。一。曲。當。門。柳。數。株。空。林。人。語。響。日。暮。下。樵。蘇。

錢塘江口號

春。雲。漠。漠。石。斑。斑。出。入。朝。霞。晚。翠。間。好。是。連。朝。風。水。
逆。教。人。看。煞。會。稽。山。

中山王席上贈首里翁盛鄉翁允溫馬克禮元
文麟四公子二首

驄。馬。烏。衣。白。面。郎。塗。脂。傅。粉。學。宮。粧。一。雙。秋。水。當。筵。
轉。銀。燭。千。條。別。樣。光。

垂。腰。散。髮。鞞。如。雲。白。紵。新。聲。白。練。衰。歸。到。中。天。慙。記。
得。瑯。琊。覲。向。十。洲。聞。

戲為俳體再送樸夫兼柬諸同學

春。初。喜。得。挽。龍。驄。一。响。流。光。過。病。中。直。到。秋。來。仍。別。

去賺人離恨。是西風。一行紅淚背窗紗。碧玉盈盈是小家。為語春風休管。怯封姨。不如斷腸花。

詠瓶中白芍藥

曉沂名花供膽瓶。疎簾素幌動微馨。更無長物雷霖。几一卷維摩所說經。

題祝芷塘詩卷後

月露風雲不受塵。亂頭粗服見天真。渠儂坐水蘇隄。住合與東坡作後身。

題袁香亭紅豆莊圖

記得東風款竹籬。丁香兩樹欲花時。春寒入骨清無。睡一夜吟君紅豆詩。

此去中州十萬家。春耕部望雨隨車。好將南國相思。種開作河陽滿縣花。時香亭授河南正陽縣令

擬唐人宮體詩四首

曾是昭陽第一人。畱仙何處認前身。風鬟霧鬢交河路。已過金堂一半春。
萬里沙場曉月寒。琵琶纔撥玉纖寒。臨行苦念君恩重。親得瑤階掩淚看。
踏青恨畔雨痕迷。姊妹班行鬪草齊。留得舊家池館。

在新營應向落花帝。
蓬萊清淺蕊宮秋。天女雲中也自愁。只有萬光差解
事。功成能具五湖舟。

自富陽抵衢州舟中口號

清漲爭敲碧玉環。連朝煩暑暫教刪。蓬窗開處不盈
尺。剛貯桐廬一角山。

李素誠命家姬出見

歸心日夜念菰蒲。老去生涯但五湖。特許藍橋見傾
國。李侯重我過髯蘇。

題家條山黛仙詞後戲東星橋黛仙星橋

春風鬢影對鳴琴。翠黛遙山半淺深。賦草仙郎裁已
就。早朝多恐負香衾。

戲題彭資園擁書圖二首

墨綬銀章偶宦遊。東南百里古諸侯。問君當日專城
樂。何似而今萬卷樓。

曾聞修史擁朱顏。銀燭金釵列幾班。却笑詩人太寒
儉。掌書一箇小雲鬟。
圖中有麗人侍書

題潘握筠仿米家墨戲幀子

米老烟雲墨戲圖。不分竹樹但模糊。吾家一角圖山
色。擲向秋江及得無。

題畢秋帆中丞靈巖讀書圖

轅門雙列戟。枝寒風味仍將措。大看倦僕倚屏猶把。老誰言節度是粗官。

汪劍潭偕何數峯雨中過訪寓齋留飲竟夕命家伶度湯臨川還魂卽卽二種曲翌日劍潭製詞見贈。凄怨溫柔感均頑艷。余弗能為詞以詩

答之

柴扉陰雨不曾開。忍報江南二妙來。聽罷臨川腸斷曲。始知惆悵為多才。春草煙湖綠半斜。紅殘珍重寄瓊葩。人間有此銷魂

句。莫怪仙人恨落花。

翠涼閣坐月有懷潤公

絳陰深處一蒲菴。曾與支公半日談。昨夜月光明似水。不知清露濕秋衫。

題畫杏

白頭又過一年春。湖海行藏誰與論。杏子黃時花落盡。綠陰滿地不開門。

枇杷

五月枇杷結實繁。濃陰庭院易黃昏。記曾春兩花枝下。有箇人人深閉門。

題畫

一株老樹立山根。萬里清江直到門。自掉瓜皮孤艇子。坐看歸鳥返煙村。

題沈恒吉畫

秋到煙林杳靄間。杖藜日日倚松關。人生合在江南住。滿眼倪迂畫裡山。

吹笛

吹笛倚舟楚水長。碧天無際夜茫茫。多情一片江南月。直送行人到武昌。

蘆花

四序平分似水流。騷人偏自說悲秋。請看江上蘆花影。不為秋愁也白頭。

偶見道書中一詩。語甚警策。而苦失韻。因為改易數字。誌於集中。非敢掠前人之美也。

鶴警空山夜有聲。蟾光侵曉倍分明。饒渠真有成仙術。也要將心洗箇清。

蕪湖解纜有作

到處勾留為索書。凌晨解纜似逃逋。安能江水俱成墨。題徧天公大畫圖。

晚泊西塞山即事

變滅煙雲一霎時。每愁好句過難追。近來學得便宜法。但看青山不作詩。

奇麗剛方伯僧服像

萬里秋光入性靈。真心如水暑如水。只須了却閑公事。便是人間一個僧。

芷塘雷峰訪余於樂圃寓齋余曾出家伶奏技

頃芷塘以詩見寄次韻答之二首

偷桃竊藥有風聲。笑語微聞墮太清。自是才人饒結

習芙蓉城又海棠城。揚州維楨有夢遊海棠城記

箇中誰解拔飛仙。佩辨纖腰指辨弦。君有琴琴聲價

在莫將抵鵲誤監田。

訖北選集序

昔東坡嬉笑怒罵皆成文章後之學者遂專倣其體
不知此所謂東施效顰也坡公天才本大偶一為
正詩所謂善戲謔兮不為虐兮者非槩為此體也然
非復有萬卷筆有千鈞學之正自不易 雲松先
少有神童之目長有才子之名名登鼎甲觀察貴西
出入兵車戎馬遍歷徭峒苗疆因得展其胸中之奇
凡有所遇一寓之於詩以吐其磊落抑塞之氣故其
為詩似謠似歌若訕若笑其落筆不與坡公期而自
與坡公合遂自成一體此非具有天才而能若是乎

先生雖不學蘇詩而聲音笑貌亦居然蘇矣先生原
有甌北集晚居林下十餘年又自刪為甌北詩鈔今
就其鈔之全以錄其半名曰甌北選集雖不足盡先
生之集而先生之真面目盡在於是矣
嘉慶元年十月既望廣漢張懷澗玉溪撰

甌北選集卷一

陽湖趙翼雲松著

廣漢張懷澗玉溪選

雜題四首

草木日夜長年深且干。霄人若同此例可並喬木
喬胡為七尺軀不復能增高造物有深意維人最
雄梟若縱使昂藏俾作長狄僑將何所不至騎危
俯麗譙是以限成枵不得踰曹交子齒則去角同
此一鈞陶

每夕見明月我已與熟識問月可識我月謂不記

區九思集卷一
憶茫茫此世界。衆生奚啻億。除是大英豪。或稍為
目。拭有如公等輩。未見露竒特。若欲一一認。安得
許眼力。神龍行空中。螻蟻對之揖。禮數雖則多。未
必遂鑿及。

混沌初開時。但以葉蔽身。迨夫有蠶績。已閱幾千
春。此幾千春內。豈無冰雪晨。不知衆裸蟲。以何步
冬。旬得非少遮護。便長形毛新。否則如面露凍骨
亦不皺。吾偶想到此。不覺眉為顰。旁有客大笑。推
憂代古人。

造物一生人。其事則已畢。吾惡當誅賞。世自有之。

律其奈刀筆吏。用法輕重失。因之不平者。又望
報。密閻羅聞之笑。此事非我責。青天白日中。枉
不。辨析。鄴都黑暗地。豈能代窮詰。陰陽兩相
譏。懸案遂難結。所以千古冤。總無昭報日。

偶得二首

古制謁長者。脫屣始造請。見君更不韞。左氏傳可
證。蕭何履上殿。殊禮出特命。迨乎唐以來。朝鞞始
漸盛。及其習用慣。遂乃著為令。設使跣入朝。翻成
大不敬。泥古有難通。即事即可鏡。所以周官書。或
治後世病。

高人偶托跡。遂佔屨地名。李白一采石。右軍一蘭亭。千載竟專屬。後人莫能爭。由來古人傳。自有真精英。才分稍不逮。焉得相抗衡。荆公奪謝墩。終未號荆。何況桑民懌。赴官柳州城。自詭此一去。將掩子厚聲。至竟羅池廟。何曾祀鯁生。

王文成公紀功碑

粵西歸德峽。見公摩崖名。平西州所刻今讀廬山碑。駿烈彌崢嶸。維時變猝起。稱戈出宗盟。殺吏據都會。欲徑趨陪京。公在震鄰中。羽檄張虛聲。使之遲疑間。下游皆守城。追賊沸脣出。急搗巢穴傾。攻其所必

救邀之於歸城。翻湖水流血。樵舍風偃旌。遂令老劉淩。一戰糜長纓。偉哉儒者績。討逆談笑成。所率皆文吏。所用皆民兵。滔天禍變劇。一月手削平。亂同張方壘。功逾亞夫營。嗚呼。豈異人公亦。一書生。

園居二首

微雨過林端。楚楚出新碧。端居靜無事。即景偶尋繹。窻前無數花。一時齊副堦。同是一氣發。胡為異紅白。蚊蟲本化生。非有卵與核。胡為年年化形質。不改易。燕蝠同其類。何乃殊旦夕。雀蛤判其族。又何互體魄。芸生信番變。物理歎難格。但覺化工妙。

觸處皆奇迹

今我所居堂。昔之藏嬌院。有客戲語余。惜哉今不見。笑謂客何愚。代序去若箭。使其猶在時。紅顏亦已變。嗚呼。春夢婆君。將唾其面。否則嬋娟姿。慣侍黨家宴。見此窮措大。亦豈有餘戀。不如即目前。行樂隨所便。名花與異書。十倍美人艷。

海珠寺

江水從西來。海潮自東至。一柱當中流。厥惟海珠寺。石根插飛濤。礙此百弓地。能隨水長落。又似憑虛擊。蒼茫烟波內。一朵浪花沸。上有水晶宮。凌空

擅清閬。層樓入穹漢。千里日可寄。地真浮玉如。名叶照乘譬。大水環之流。恰作圓折勢。千艘往來繞。亦似驪龍戲。我來一登臨。爽朗豁心意。向疑珠宮名。齊諧但誌異。豈知今日遊。真入圓光麗。其中况迴複。層折歷階砌。笑比九曲身。身乃化為蟻。

題許松堂亡姬小像

欲以美人傳。必甘少年死。倘或過少年。其人已不美。西施壽百年。寧復吳王憐。徐娘自知老。專恃多情牽。武壘佔六郎。亦脇以威權。不然蓮花面。肯伴此嫗眠。乃知絕世姿。不貴長命延。何哉君癡絕。痛

此嬋娟質畫出臨歿貌問年纔十七歎其不久存
滴盡愛河血君方為姬悲吾且為姬喜留此初開
花賺得君淚此試從此別後預想頭白容知君惋
惜情不復姬此濃

書懷

既要作好官又要作好詩勢必難兩遂去官攻文
詞僮僕怨其癖親去笑其癡且勿怨其笑吾自有
主持枝生花筆滿懷鏤雪思以此溷塵事寧不
枉用之何如擁萬卷日與古人期好官自有入豈
必某在斯

書所見

世儒好闢佛多欲窮其精我但言其粗了然自易
明其教嚴戒殺物命固長成卻絕男女欲不許人
類生將使大千界人滅物滿盈此豈造化理流毒
逾秦坑試起廣長舌將以何說爭

初用眼鏡

少年恃目力一覽數行下能從百步外遠讀屏滿
架因之不自惜逞用弗使暇螢火貯囊照鄰燈鑿
壁借倦勿交睫眼怒或裂皆咤豈知過則傷索債
乃不赦年來理鉛槧忽驚眩眇乍恭逢廷試期

方覲一戰霸。生平見敵勇。坐是臨陣怕。真同霧看
花。幾俾畫作夜。何來兩圍壁。功賽補天罅。長繩繫
雙日。橫橋向鼻。跨學比壺映。冰朗勝炬燃。樺平添
膜一層。翻使障翳化。涼月淨無塵。澄潭湛不瀉。瞳
神失所居。賃此得宅舍。空中花不存。鏡裏影逾姹。
遂覺凡蠅懸。輪可以命中射。奇哉洵巧製。豈復金篋
藉。相傳宣德年。來自蕃舶駕。內府賜老山。貴值兼
金價。初本嵌玻璃。薄若紙。新研中土。遞做造水晶。
亦流亞。始識創物智。不盡出華夏。繫余愧結習。把
卷頗嗜炙。已知老漸侵。幸有光可貴。抱茲千年冰。

如刀難離榻。收宜近葦床。挂豈離弓死。留伴炳燭
餘。觀書味嗽蔗。

後園居詩五首

頻年苦貧乏。今歲尤艱難。內子前致辭。明日無朝
餐。一笑謝之去。勿得來相干。吾方吟小詩。一字尚
未安。待吾詩成後。料理羹鹽酸。君看長安道。豈有
饑死官。
有客忽叩門。來送潤筆需。乞我作墓誌。要我工為
諛。言政必龔黃。言學必程朱。吾聊以為戲。如其意
所須。補綴成一篇。居然君子徒。核諸其素行。十鈞

無一銖此文。倘傳後誰復知。賢愚或且引為據。竟入史冊。摹乃知青史上。太半亦屬誣。

公卿視寒士。卑卑不足算。豈知漏一盡。氣燄隨烟散。翻藉寒士力。姓名見豪翰。使其早知此。敢以勢位慢士也。而早知亦可自傲岸。胡為交失之。各就目。曉看此則工。聶嘯彼則雄。顧取堪笑一雲泥。誤此兩癡漢。

文章千古事。詎可以勢爭。何哉諸巨公。好以古學鳴。未便鳳樓造。先長牛耳盟。自命韓歐家。羣奉燕許名。譽之稍不滿。艷然輒怒生。先生付一笑。植埴

任冥行。古來著述事。豈盡歸公卿。

杜門少還往。或憐我索居。我豈真索居。家有插架書。其中列古人。何止十萬餘。呼之而即至。不煩催小胥。堪笑今之人。未必古人如。偏覺見面難。自高其門閭。一刺投已入。勞我久駐車。此土木偶耳。曷怪與汝疎。

赴滇從軍作

古來戎馬間。軀命長草草。一身既從軍。生死那得保。此意黯自憐。未敢向人道。作氣自振厲。命酒豁懷抱。山妻則已知。顧弗忍。浚考閭。出一語商似預。

籌未了亂之以他詞中心各如擣臨別復何言得
歸不必早寶我膝下兒奉我堂上老

小孤山

孤峰插崩濤日與雷霆鬪四旁蕪無附矗空一柱
秀自非千丈根安能植不仆級級勢累甃太古誰
所鬻風雪久剝蝕石色積鐵透草木根其罅一
堅且瘦虬松乃十圍焉知幾千壽中藏仙姝宮鑿
翠闥戶牖妝成嬋娟姿不作老嫗皺居然大琳宇
香火日奔湊小孤本非姑何年字訛謬屈使作女
身頗遂著霸佑乃知人心幻事多憑虛構及夫意

造成鬼神亦俯就我來暫停舟正值寒雨驟也疑
行雲歸濛濛濕巖岫

舟發海陽

上灘遲如牛下灘疾於鳥上灘恨灘多下灘恨灘
少逆風椽柂牢順風駕帆嫻逆風恨風大順風恨
風小人情例貪得孰肯平心較試與下灘人回看
灘水倒嗟彼上灘者求魚緣木杪試與順風人回
看風力矯嗟彼阻風者待兔守株老凡事作此觀
百念可以了

即事

虎北選集卷二

山門廿五年。故鄉如異域。中間偶一歸。曾未突黔
墨。今來循里社。門巷多改易。舊時同輩人。見面了
不識。別後所生者。翻可以意測。昔見某少時。顏狀
宛可憶。肖者必其子。十果八九得。即事一憮然。感
此日易昃。觀河性空在。老慨波斯匿。安得辟穀方。
長保鬢邊黑。

編詩

間居靜無事。編閱生平詩。常苦少作多。老去漸見
疵。割愛心不忍。改為力已疲。其有得意處。時復一
哦之。搬薑鼠何味。食蓼蟲偏怡。或誤吞釣餌。或走

觸甕醢。贏得妻孥輩。私相笑其癡。歐陽昔作文。喜
共師魯披伸紙。一疾讀其樂不可支。坡云七分讀
劣句。生妍姿。我今無此友。將欲索解誰。名山傳其
人。斯語亦自欺。人亦未必讀。讀亦吾弗知。不如還
自賞。我我相娛嬉。昔我即伯牙。今我即鍾期。本從
性情出。仍來養心脾。魂尋舊遊夢。緒引不斷絲。生
平辛苦報。消受惟此時。

偶書

文人致青雲。初以文為媒。才名日暴著。積漸登三
台。及夫官既崇。又須談幹濟。幹濟乃空談。何能立

一事其文亦遂隨。久作敝屣棄。一朝夜漏盡。論定始可憐。欲入文苑內。既無文可傳。編之列傳中。敷演不成篇。所以明眼人。見幾斷於內。不能立勲業。及早奉身退。書有一卷傳。亦抵公卿貴。

戲咏蛛網

蜘蛛爾本微。偏具善知識。結網挂簷端。憑虛求口食。初若營大廈。向背審南北。爬沙去復來。攀緣降又陟。扼要在立網。如柱必早植。意取佔地高。法貴引繩直。潛抽乙乙絲。泄自尾間黑。於焉定間架。次第功乃即。經先緯斯後。外濶內漸窄。界書羅盤痕。

圓規。渾儀。式入扣。撰迴文。先天圖。太極。宛宛。旋螺。紋。團。團。磨。牛。迹。循。環。無。斷。緒。疎。密。有。定。則。勻。豈。粉。線。闡。巧。賽。錦。機。織。緞。簾。出。鬼。工。鮫。綃。絕。人。力。當。空。不。成。翳。映。日。轉。無。色。用。以。掩。不。虞。誘。物。入。徽。纏。我。思。寥。廓。天。千。步。幃。難。冪。區。區。設。尉。羅。包。絡。能。幾。尺。細。僅。明。鏡。懸。大。亦。車。輪。仄。奚。啻。三。面。開。安。異。一。目。得。吞。舟。會。富。滿。冥。飛。詎。可。弋。庸。知。艾。而。張。終。資。飽。胸。臆。昧。者。入。吾。網。失。足。落。茨。棘。義。通。釣。不。網。術。用。攘。非。奪。譬。彼。信。天。翁。取。給。同。墁。畫。或。黏。蠓。蟻。軀。或。罨。蝶。蜂。異。觸。藩。羝。躑。躅。鑽。紙。蠅。偏。塞。鷹。鞬。難。遠。颺。

馬枚早被勒。老蛛顧之喜。朶頤觀其吐。危機汝自投。弱肉我何慚。爰果腹彭亨。不向牆隙匿。傲然據中央。端坐快偃息。吐哉造化工。生理信難測。一物賦一技。俾各食其力。鵲有隱巢木。鵲有長水石。燕能忌戍已。鼃能辨時刻。避風者鷄鷓。禁水者灘渤。鳩鳥爪禹步。穴蛇出就。啄木嘴畫符。樹蠹起受効。由来謀生智。固即性之德。獨怪蛛也靈。褊衷殊大嗇。滿腹蘊經綸。不以供禮祐。曷弗罄緒餘。致用到服飾。衣被堪及人。黼黻更華國。老蛛掉頭謝。此事非我職。不見吐絲蠶。狗人翻自賊。聊復私一毛。

寧須羨九國。甘在翹肖中。為楊不為墨。

放言

一物有不知。儒者引為恥。豈知物難格。萬彙紛莫紀。試廣支諾臯。一一數。儂指。鳥卵既發祥。龍祭乃徵否。石沉有浮磬。木浮有沉水。蠶孕寒水中。龜活烈火裏。羊或種肉生。人或飛頭起。豬或牙有佛。魚或身作妓。蛇何為兩頭。狐何用九尾。蟹奴寄殼居。水母借目視。按旬蚰口移。應候象膽徙。犀角軟貼胸。鼠皮堅種齒。鷹從嘴出糞。兔向口吐子。木偶鬚忽生。泥馬汗自泚。狸能雄能雌。魑不人不鬼。綠葭

化兒啼。枸杞作犬吠。蕉為女善媚。楓變叟不死。枕
柳腹多麩。椰實汁成醴。樹理字如刻。石紋畫如綺。
治葛性殺人。牛山食之美。巴豆毒戕命。飼鼯大如
豕。長狄身九畝。焦僥三尺止。靈椿壽八千。朝菌及
夕萎。餘鼯同穴棲。飛走通精髓。雀蛤隨時化。水陸
互軀體。齊諧難盡誣。燕說豈徒詭。陋儒論理氣。涇
涇守故紙。謂氣從理出。此究是何理。乃知理之外
氣尚無窮。已茫茫化者機。不可測以咫。

止齒痛

少讀昌黎詩。笑渠作牛飼。我時齒力堅。足供老號餐。

恣雖輪編貝。工幾可嚼鐵。碎連砂爛脫。粟帶骨決
大哉。舞陽生羸肩。直欲一齧試。豈期近年來。微罅
生櫛。比每飯費剔搔。疑有蟹奴寄。忽復浮陽蒸。旋
起腫肉臙。一團無根火。熏灼滿口熾。含痛魚銜鉤。
負傷虎帶刺。鋪糜但軟飽。就枕鮮美睡。經旬委頓
餘。一个忽委地。翻因剝膚灾。快此敝屣棄。其餘皆
動搖。告別將以次。曾聞袁子才。留齒善持議。謂齒
在其身。差不負位置。笑或粲然露。食必肥者致不
如輔車依。勿遽悻悻避。我欲援例請。齒也早自計。
百物甫入口。惟齒職勞動。及夫得味時。又屬唇舌

事我則任其勤。彼則收其利。譬如老邊將。轉戰心
力瘁。安坐享太平。廟堂有高位。斯理誰能平。固難
禁其懟。姑弗誘甘言。且與講大義。附我數十年。亦
有賓主誼。懼汝剛則折。故口每加意。梭恐鄰女投。
弗敢與之戲。拳恐武夫歐。未嘗觸其忌。挂罟既謹
言。穿齧亦表志。非象曷賄焚。非鼠豈訟累。拾有牙
慧誇。寒未唇亡至。相處尚不惡。中路忍乖異。辟穀
既乏方。覓乳又滋費。坐視飯顆瘦。寧弗少留憇。齒
也始。蹶然君言甚。情摯已落難。復存椽之慮。仍墜
吾將再生兒。供君養頤嗜。

刪改舊詩作

食筍愛其嫩。食蔗愛其老。愛嫩則棄根。愛老則棄
杪。非人情不常。物固難兩好。何況詩文境。所歷有
遲早。少時擅藻麗。疵類苦不少。老去漸剗除。又覺
才艷槁。安得美並存。病處又俱掃。晚作蔗根肥。以
作筍尖小。

少日所得意。老去覺弁陋。奮筆擬刪之。謂今學始
就焉。知今得意不。又他日。疾詩文無盡境。新者輒
成舊。渴鋤鉅函藏。行復醬瓿覆。笑同古煉師。燒丹
窮昏晝。一火又一火。層層去粗垢。及夫燒將成。所

存僅如豆。未知此豆許果否。得長壽。

老境

大生人官骸。一器具。一用。惟此。眉髮鬚。無知覺。運
動。既一無所能。偏能將老送。時時來。嚇人。勾引水。
霜動。又居最高。黑白見者。眾此。豈不可憎。化工
何必種我欲。之拚得。一夕痛。無奈。纔掃除。重
生。又如葑。

少聞柳下惠。能坐懷不亂。私心竊疑之。謂孰在旁。
看柳下自言。耶真偽。未可判。女出告人。耶亦難作。
定案。安知非欺人。外托秉燭。且今我老境來。始信。

語非譎。從前好風懷。久作春水渙。即令伴橫陳。咏
已嚼蠟。換然則易事耳。何妨夕見祭。以我蒲柳衰。
證彼葛藤斷。老夫與古賢。可同號鐵漢。

山行雜詩三首

有司僱輿夫。送我遞郵舍。輿夫見官僱。知從憲府
下。將我作奇貨。傭直索高價。停肩不肯行。求益恣
赫詐。名士值幾錢。竟似將我賣。民轉脅官。贊此事
殊可詫。輿夫前致詞。使君幸勿訝。平時官股民。錙
銖弗肯赦。惟此聊取償。稍嘔老饕炙。

謝公昔遊山。屐換前後齒。我老不能行。筍輿代步

履其奈高下間將他簸若就上山身仰眠下山手
旁抵老夫忽設計奇智出囊底輿夫有短長呼來
就排比上則前矮張下則後短李人間一調劑遂
覺平如砥所慚役人力彼有代我趾
遙山最深處想必無人居一縷炊烟起乃亦有室
廬始知生齒繁到處墾闢劬虎豹所窟宅奪之為
耕畬尚有傭丐者無地可把鋤民生方愈多地力
已無餘不知千歲後謀生更何如

甌北選集卷二

陽湖趙

翼雲松著

廣漢張懷桂玉溪選

登金山塔頂放歌

生不能挹浮邱袂拍洪崖肩又不能隨列子御風
行冷然黃塵蹴躡日奔走安得矯首凌雲烟我過
金山凡五度昨歲始一登又逼白日暮不及憑高
暢遐顧今朝乃到浮玉之頂來遊目四矚心為開
寥空飛鳥盡在下青冥誰掃無纖埃不知上距大
羅天邊尚幾里但覺繁星磊落可摘二兩枚海門

東去望不極。混茫一氣雪浪堆。此中即是瀛洲方。
犬。兼蓬萊。死為車。分神為馬。忽如山。僧出定。遊九
垓。回視憑欄之我。但肉胎臨江下。瞰復殊狀。塔身
如卧江濤上。倘逢罡風獵獵吹我落。不免竟入魚
腹葬。振衣忽長嘯。平生空負狂。五嶽未遊一。遇險
心已惶。何以更向蓮花峯頭挽鐵索。天台山上度
石梁。不見古關士。懸崖撒手凌蒼茫。浩歌未終日
將夕。闌黎邀我飯香積。半龕夜借蒲團眠。滾滾濤
聲撼枕席。脚力已盡興轉雄。題詩驚破蛟鼉宮。聽取
天雞鳴。時擬再上。要看五更日出扶桑紅。

題唐明皇馬上擊毬圖

天寶昇平徧四隩。先幾未兆銜花鹿。九華殿已舞
羽衣。千步場兼習皮毬。誰其從者一貴妃。又韓虢
秦三阿姨。禁烟初過賜新火。平明結束黃金羈。古
人梳革蹴以足。此獨馬上用杖撲。杖頭紅拂妙轉
旋。左撥右挑工起伏。一毬突出廣場飛。君王控騎
先追逐。錦鞵玉勒四蛾眉。齊着珊瑚鬪誰速。遊龍
戲珠爭奮爪。流星趁月難瞬目。奔馳將及忽折回。
一拂驅之往。而復是時美人更逞姿。翩若驚鴻翥
平陸。回身或疑薛夜來。反腰直比孫荆玉。興酣樂

極日西斜。墜履遺簪。紛可掬。至尊含笑策奇勲。餅
 金斛。珮輦來分。直自平陽公主後。又成一班娘子
 軍。宮中方演白打技。塞上亦演超距戲。一具漁陽
 鼙鼓。來驍騰。即用趕毬勢。可憐鍊就走馬工。只供
 倉皇避賊計。嗚呼一毬區區何重輕。江山遂入秦
 弄傾始知五色毬空好。不及千秋鏡最明。

贈相士彭鐵嘴

古人相法相心曲。豺聲忍鳥喙。毒為肩躁。半腹黷
 初不專以論禍福。論之實始周叔服。由也不得其
 死。然孔聖亦似據此。卜自後唐舉及呂公。下至麻

衣道人柳莊翁。一十七家術愈工。我思人面各一
 尺。就中列五官。雙者自雙。隻者隻。位置未聞有。
 易何以千百無一肖。此實化工示奇迹。相者因之
 測天咫。固應巧中。若著策彭生挾術遊長安。一朝
 名動公卿間。終身能以立談判。自稱鐵嘴無欺謾。
 生來吾語爾。從來驗者可屈指。髭點或真王。將相
 或餓死。眉長過睫。文譽高耳白於面。盛名起骨如
 多遜。具貴徵目似王敦。召禍始一雙鬼眼。少宦達
 半箇軍頭。終竄徙斯皆經驗方。操券可比擬。然而
 按舊譜。有時亦錯。迺褚蘊從理。竟溫飽。庚復豐頤。

乃貧窶徐陵宜天享耆耄。柳渾宜賤躋台輔。此又何處差。毋乃術莽魯。何況李嶠壽在息。元忠貴在怒。倘非值其睡酣與色變。憬藏天網也。坐誤感生。為我論窮通。問生此術曾否精研窮。不然若但矜皮相對鏡。我亦能自量。幸免鼠目求官。譏本無燕。領封侯。狀筋猶束骨。未召殃。唇不著。齒或招。謗豈望眉間黃。上來聊守鼻端白。無恙。

于闐玉歌

驛馬奔車汗流足。將軍遞到于闐王。大小磊落三千顆。生牛皮裹牢結束。白作截肪青蔚藍。瑩澤皆

如水新沃觚稜。初曉肅奏進。先映朝霞炫人目。此

邦遠隔玉關西。洪荒以來未內屬。崑崙西流入其

境。分二玉河烏白綠。見平居論于闐行程記少時讀史疑天外。何

處西域三十六。張騫使節空經臨。呂先兵威未降

伏。豈知今日入版圖。周索新恢過身毒。此玉遂充

方物貢。水漲撈來不煩督。足覘我

朝德威溥地盡九垓。悉盡育。君不見天寶初載索

西費興師勃律武功。躡真糧轉戰四萬人。海激成

冰一朝覆。見西陽雜俎又不見大觀年間造八壘。遣使往

求幣滿麓。答書竟號獅子王。國寶雖成國體瀆。見

官紀聞皆
丁闈玉事即今細載來輪蹄。習見翻似豐年穀。試披
往牒徵典故。此事古來見者孰傳之。史策垂無窮。
應笑漢家侈邛竹。

贈寫照沈錦

世人論畫重山水。花草翎毛仙佛鬼。畫人亦只畫
古人。寫照雖工固所鄙。豈知繪事此最難。未可憑
虛信手擬。伏勝授經圖摩詰。子敬書裙摹老米。王
有伏勝授經圖摹老米
有王子敬書練裙圖但取神采不取形。苟得其意一掃
耳。試起昔人相比對。未必風貌果如此。寫照乃以
人為的。毫釐差。輒謬千里。刻劃模成印板中。玲瓏

影取惟燈裏。穠纖相稱配瘦肥。毛髮欲動肖悲喜。
事兼束縛與馳驟。依樣葫蘆豈薄技。譬如拈題作
時文。一縷脈縈微妙旨。多少詩古文。辭家掉頭弗
屑挂。牙齒一朝執筆就。繩墨駕跡弛不成。理乃
知傳神阿堵中。慘澹匠心幾生死。會稽沈生秘獨
擅。布衣徒步長安市。我來請作壽母圖。時為家
母寫照意
思安閒拂素紙。詎須九朽始一罷。頃刻圖成未移
晷。懸之粉壁羣聚觀。三尺小鬟亦曰似。信哉茲技
有別長。弓人之弓矢人矢。古來絕藝當通都。早晚
遭逢名鵲起。會看待詔金馬門。縑素揮成進綈几。

贈說書紫髯髯

紫髯髯貌何醜爾頭寡髮面赤瘢
 尚恃滑稽一尺口。酷嬉每逐屠沽博。
 調笑慣侑侯王酒。妙撥鴟絃擅說書。
 故事荒唐出烏有。優孟能令故相生。
 淳于解却強兵走。有時即席嘲座客。
 自演俚詞彈脫手。張打油詩豈必工。
 胡釘鉸句不嫌苟。但聞噴飯轟滿堂。
 炙輠爭推此禿叟。自言名隸教坊籍。
 皎段曾供宴燕九華清。承直知有無唇舌。
 居卿固罕偶君不見石野豬。張浪狗。
 絕技俳優侍。至尊斗珠車。帛承恩厚如令。
 朝廷絕髮幸不賜。歌伶田半畝。姓

氏漫同。幡綽黃。詼諧聊附。敬亭柳。

十不全歌

世間萬事無不有。奇形乃見支離叟。
 眼無縫。頤有紐。胸怒蛙。頸癭狗。
 足一腿。手半肘。倮然一身叢。百醜市頭坐。乞錢人呼十不全。
 天生是使獨。彼亦不知所以然。我讀山海經。
 人生初本無定形。或蛇身牛首。或三臂獨肱。
 臍為口。無舌。乳為目。無睛。天公見之。不好看。
 逐件端相細。改換譬如塑佛。欲成滿月。面鼻大減。幾分口小。
 拓幾線。自從鑄就人樣子。化工能事始畢矣。聽他夫妻父子。
 依樣畫葫蘆。大

概不出範圍裏何哉爾獨缺不完縮長凸短雙必
單得非女媧搏土未定稿千年拋落荒山道爾托
生時不暇揮負之出胎太草草獨眼龍稱豪英豁
鼻馬為公卿瞎兒一淚亦大貴鑿齒半人且得名
爾則手不能持足不能行同在覆載內天極地枯
過此生噫噫乎謂出自天意生之胡令痼疾廢謂
是惡所招受形時豈即召戾將無輪果報信有之
今生苦是前生致不覺對之為悲涕願天生好人
願人行好事

李即曲

李即昔在長安見高館張燈文酒醺烏雲斜綰出
場來滿堂動色驚絕艷得即一盼眼波留千人萬
人共生羨人方愛看即顏紅即亦看人座廣中一
个狀元猶未遇秋帆時為舍人被即瞥睹識英雄每當舞
散歌闌後來伴書幃琢句工畢卓瓮頭扶醉起鄂
君被底把香烘但申嚙臂盟言切并解纏頭旅食
供明年對策金門射果然榜發魁天下從此雞鳴
內助功不屬中閨屬外舍五花官誥合移封即不
言勞轉謙謝專恩肯作鄭櫻桃儘許後房多粉麝
狀元官貴擁高牙匹馬相從萬里賒為聽甘涼邊

曲好。相從臯。蘭官舍。當筵改學撥琵琶。三人酬贈千金橐。幸客莊嚴七寶車。送上雲程心事了。忽傷老大苦思家。思家泣與東君別。歸到姑蘇百花宅。舊時同伴見資多。誰不咨嗟眼光赤。豈知遊興猶未已。盡倒囊金買瑤碧。捆載巾箱過嶺東。昔是玉人今玉容。渴儂恰趁放衙首。不覺相迎屣為倒。通詞曾記托微波。欲即仍離即太狡。往日挑琴未目成。今朝擁棹偏人老。西子重逢范大夫。非復當時浣紗好。成陰樹已感司勳。轢釜聲兼記卹嫂。回憶華年滄泊遭。褊衷那禁私和惱。生平不契懶殘殘。偏是人

間禁巒難。初日杲。雖已褪。晚風緒。柳尚堪攀。樽前軟語聊調笑。李下何妨一整冠。

端溪

扁舟晚泊鈴峽口。照訪端溪古石數。前却呼取老石工。為余指點述縷縷。是山到處有硯材。文殊宣德皆凡胎。屏風背下穴三尺。乃是水巖宋所開。其中東洞勝西洞。洞內又分三層縫。上層麓燥。下層腐。尤以中層為貴重。雲氣水氣入石濡。石亦化作雲水腴。切以礪鵝刀。一片磨以蚶蛇砂。幾硃嫩。于三歲。嬰兒膚。手一握之。汗若酥。殺墨乃如磁。吸鐵

研磨無聲。雲自敷數日不散。光黯黯宿墨一洗仍了。無斯為品中最上上。鵲斑。鴝眼。猶皮相。青花。隱約。差可憑。火捺。有無不足尚。近來此坑亦漸空。非有大力難施功。料水先費千人力。入竇要瘦七尺躬。燃燈在臍。仰面鑿一卷。艱與尺壁同。我聞其言一笑歌。此州官場物力夥。何不結此翰墨緣。詞天割取紫雲朵。雖殊包老投石沉清冷。差比鬱林歸裝。歷石砢。

蕪湖鐵畫歌

畫家寫生尚及骨。專以柔媚矜技絕。是誰巧匠能

翻新不用胭脂轉。用鐵鑿鑿入煨無礪。砂鉗出爐。燄紅于鍛。陰陽之炭文武火。恍疑地窖烘唐花。梅根崛竒松節硬。故宜鑱鏹摹槎枒。其餘或拗風枝。颯或抽露葉垂橫斜。或魚魚游燕燕舞。當空鱗爪紛盤拏。視以素殼影浮動。映以蜂蠟光交加。燈之屏之挂虛室。使我四壁生妍華。何哉頑鐵本粗醜。乃令作繪替丹黝。得非點鐵指。嚼鐵口。否則卷舒鐵鉤手。鍊得錚錚一寸剛。化為繞指軟。如柳廣平不以勁。直稱魏徵轉。因嫵媚。取揉堅。按銳出麗藻。笑他磨杵為針。硯成白。鑄鼎象物古所珍。未有此

法傳後人。我聞畫行須用玉鈎鎖。畫山最要了頭
皴。想是良工於此得妙悟。遂以鐵筆來傳神。丹青
無光卷軸掩。論價貴值雙鳥銀。從來一枝精能名。
可擅沈錫張銅李昭扇。以鐵作畫尤未聞。特為藝
苑開生面。何不錫取工姓名。流傳應過千年絹。

(Faint bleed-through text from the reverse side of the page)

歐北選集卷三

陽湖趙翼雲松著

廣漢張懷桂玉溪選

苦雨

事有不如意。韶華夢裏過。一春晴日少。三月落花
多。字擬乘吳榜。誰能挽魯戈。還山一含悶。煙際感
修蛾。

曉行

野店餘殘柝。荒郊已展輪。曉星明似月。古堞立疑
人。却暗猶無火。風微未起塵。擁衾三十里。味續黑

甜淳

出古北口

鎖鑰憑天險。因山戍壘成。千盤蛇陣勢。十里馬蹄聲。隘比函關扼。危如劍閣行。時清無警備。不用怯長征。

飲倪敬堂少僕寓齋次韻

古來名利路。行者盡如馳。作婦公孫行。為卿子。疑酒兵君拓。戰詞壘我舉。旗一笑皆迂客。生天未免遲。

短褂

短後衣原古。戎裝稱服駿。十圍腰欲露。半背手難

兩製想類此。袂袂雙非隻。明衣一可三。袂袂短右。袂皆短明衣。一身有。半此則僅半身而已。 焦僥如著此。或尚覺。麤麤

樓桑却

桑葢童童已古邱。英雄氣尚亘千秋。敵強終造三分國。士少能臣第一流。長坂安行真大度。益州詭取亦陰謀。獨憐故里終拋棄。不及歌風沛上遊。

同印耐亭郊行

草綠裙腰到。稷辰相邀勝。侶去尋春波。空有影凌羅。鞮塵軟無聲。碾畫輪。柳絮前身原蕩子。桃花對

瓶北集卷三

面有佳人誰知衮衮長安陌。着此蕭閒兩角巾。

下直同漱田秋帆諸人郊行即事

油碧車輕度軟紅。看花喜有素心同。一春晴雨常

參半。三月寒暄最適中。芹沼泥融銜燕子。柳塘水

漫浴。見翁清遊不在彈章例。莫便驚他御史驄。路

史故云

雨過青圻淨。麴塵出郊人馬共欣欣。班輸隻日餘

雙日。春已三分過。二分蝶趁衣香。芳草路。鴉銜祭

肉夕陽墳。郊行景色真堪畫。只少擔瓶一老軍。

移寓椿樹衙衙

時晴扁額墨光浮。猶是尚書手筆留。人物百年思

老輩。主賓十載感前遊。名歸青史無瑕指。地過黃

鱸有淚流門館。重來陳迹在豈勝華屋。愴西州。寓

汪文端公時
晴齋書屋

新僦宅有小樓可憩而多狐祟詩以禳之

漫憑狡獪擾幽廬。禍福霧氛早告予。山鬼豈知經

歲事。仙人浪說好樓居。開堂笑汝禪仍野。媚竈慚

吾術已疎。談易倘如王輔嗣。未妨來對一窗虛。

過文信國祠同舫荅作

三百餘年養士恩。故應未造澤猶存。半生聲伎勤

王散一代科名死事尊滿地白翎人換世空山朱
囑客招魂笑他北去留承吉也是南朝一狀元

大雨倒牆戲筆

曾笑冰山易作泥不虞識在小庭西故人來訪應
排闥鄰女如窺兔上梯亂石已妨行藥步濕塵先
掃落花溪最憐十五蕭郎竹也復鈴竈被壓低

梓澤園

石崇別業
即金谷園

一代豪華擅此園朝朝暮暮最銷魂美人絕色原
妖物亂世多財是禍根浮白觴前猶舞影落紅枝
上忽啼痕樓頭一擲終佳話能博蛾眉死報恩

分校雜咏

宣名

觚稜淑景日初寅

御紙簽名下紫宸同輩半為揚解客宣旨無名者皆散去

至親翻有向隅人校官親族一時朝服班行肅隔

夜巾箱檢點頻却笑門前迴避字主人出後貼偏
新

薦條

三寸冰銜鏤刻工卷端鈐與薦書同品題未便無
雙士遇合先成得半功佛海漸登超渡後神山猶

怕引回風吹噓送上吾何德已有人懷感激衷

撥房

中額難均數迫題按房哀孟主司權未妨螺贏艱
生子笑比琵琶別過船梁上燕飛移故壘擔頭魚
去剩空筌臨分不用增惆悵三宿浮屠也結緣撥房
後舉子於原薦官仍修門生禮較所撥之房師更親也

填榜

堂吏聲高唱拆封關防加密鎖闌重掀髯劇喜名
流出防口深愁熟客逢星斗光連千炬火魚龍氣
動五更鐘榮觀最是填魁候六幕文昌景倍濃填榜

補填五魁畢乃則萬燭齊輝亦奇觀也

房卷

校官各自有房元試牘從掛似弟昆十數名分新
雁塔一家人聚小龍門文如和韻詩連刻交比同
年誼浩敷師說誰堪傳枕膝十年詩法要相論

查初白集中有門神詩戲效其體

灞陵醉尉氣如雷汝獨無言冷似灰日傍獸環身
不動夜同魚鑰日常開衣裳破孰丹青補頰面衰
因雨雪摧士偶若逢應一笑依人門戶總堪哀

九日陶然亭同人小集

瓶七

孤亭看菊半詞曹。車馬無煩出郭勞。南浦綠餘人
柳老。西山青。出女牆。高騷壇。盟鼓操牛耳。拇陣轟
如戰虎牢。地僻向來無古蹟。茲遊或可續題糕。

哭門人董東亭庶常之訃

孤露身真落葉如。曾憐火賤帶經鋤。生無薄產常
依婦。才可名山未著書。家在一方鴻爪裏。名沉千
古貉邱餘。從知墮地須論命。何物憑君覽揆初。

戲咏火判官

京師人於上元節以泥塑鬼
判虛其腹燃火於中為戲

滿街燈燭正喧嘩。變相俄驚地獄開。畧似人形沉
塑在。是何兒戲火攻來。漫疑古佛多毫髮。翻恐冥

官也。劫灰不是禁烟寒。食候莫教錯認介之推。

祿藉端資校勘功。故當炙手勢英雄。共驚氣燄能
炎上。誰識神靈也熱中。隸以夜叉應面黑。配宜旱
妖稱顏紅。只愁黃胖游春罷。碎作飛塵陌上空。韓

原事見白獼
髓及談藝

友人以鄴城懷古詩見示。但侈陳魏瓦齊磚

而於歷代割劇建都之跡殊多掛漏。補成

八首。選

霸圖開國古漳濱。銅雀臺高迥入雲。自古英雄多
好色。最難子弟搃能文。史將正統移歸蜀。身托虛

名服事殷疑塚不教人識別憑何歌舞望夫君

慰戴園下第

眊睨春官又一回。誰從爨底識琴材。生花不律行
將禿。棄甲子思忍復來。君多官燭空修書滿架。纂
修方累館子錢欲避債無臺。祇應一卷名山業。消爾生
平磊落才。

哭亡兒者瑞

哀宗累世只單傳。寧易生兒似汝賢。不死定知薪
克荷。雖貧每慰室如懸。新松作勢空千尺。種樹成
陰動十年。此痛自關門戶計。豈徒舐犢愛難捐。

骨相曾無慮折磨。豈知早歲即沉疴。漫期董奉
威彥空對倉舒想華陀。大藥有筒傳世少。庸醫無
刃殺人多。可憐眉目清如畫。生把葳蕤毒死他。

竹君述菴戴園來殷耳山璞函小集寓齋即
事

老屋三間聚履綦。到來便擬夜歸遲。地非北廓聯
吟處。人似西園雅集時。名飲豈須絲竹肉。清談無
過畫書詩。口慚蔬韭誇高宴。未免人強措大為

奉

命出守鎮安歲杪出都便道歸省也

恩感遇之作

一出盧溝跡漸遙當年從此上雲霄
重來恰是回頭路欲去還同物
項橋敢以身微忘戀關或憑
政最更登朝露寒鳩鵲曾遊地
回首巢痕故未消

歌風臺懷古

置酒空興猛士嗟韓彭被殺已如麻
負心事業烹功狗出手威原斬路蛇
百敗河山終造國千秋魂魄向思家
榮歸翻下英雄淚此處勝他畫繡誇

丙湖咏古

梓子荷花色色幽偏安定後足清遊
直教宮亦

長樂從此湖應號莫愁二竺峯巒非良嶽
兩隄燈火似樊樓空餘芳草孤山路
老將騎驢感白頭選勝樓臺傍稚川
相公富貴又神仙襄城礮已三年
打葛嶺燈猶五夜燃蟋蟀戲收殘局
罷蝦蟆更促六宮遷可憐幾代冬青樹
只換漳州一木棉

道拉死木
棉菴下

南園想見昔雕甍黃胖遊春道路驚
去國狼胡非帝意教陶孫昂趙汝愚詩
隔籬犬吠是人聲生前珠翠千行繞
死後頭顱萬里行獨惜半分半湖地
累人作記損高名

袁州城外石橋最雄麗相傳為嚴世蕃所作
長虹百丈倚巖城傑構當年尚寶卿豪富豈難功
及物權奸亦愛死留名磨光石版輪蹄迹流惡江
濤日夜聲却笑世間康濟事也須勢利始能成
飛梁橫嶺急流奔遺惠猶傳濟洧溱黃閣階前跨
竈子青詞燈下捉刁人選材幾費深巖石得地依
然要路津終欠出都騎款段一鞭來此踏霜晨

蓮花九萼

九層石棧入青雲名字遙從嶽藕分赤立太窮山
露骨倒懸不死樹盤筋天運開鑿留浮氣路入陰

森鎖瘴氛只擬此中非世界誰知雞犬亦相聞

前守韋

馱保

緣事罷官羈留鎮郡者兩年茲

得請還都詩以送別

酒闌重話舊彈蕉信有成權大吏操喜怒所爭纒
一芋愛憎相反豈多桃民猶爭誦廉公袴我敢相
矜范叔袍會有詔書搜廢藉新硯且莫善藏刀

黃陵岡

行盡滇西更向西路經初闢未成溪掛枝下飲猿
連臂藉草潛眠麝養臍樹古不知秋氣老山高易
夕陽低殊方從古誰曾到且拂蒼崖作首題

漢句土司外二百餘里過此則非楚人所居皆野人賽矣

白雲菴遇故總兵華珠將赴軍效用

決陣曾傳賈勇登。罷官未去為軍興。戰場尚夢無頭鬼。古寺聊充有髮僧。却曲偏裨多已貴。郵亭醉尉漫相凌。征蠻正選邊才急。會看鷹揚老将騰。

甌北選集卷四

陽湖趙翼雲松著

廣漢張懷漣王溪選

鐵壁關

萬仞危巖似劈開。天留鎖鑰控崔巍。鐵門有限人難越。銅柱無名我亦來。料敵好增籌筆驛。出關先當望鄉臺。祇應預辨摩崖字。留待征南奏凱回。

猛卯

猛卯江頭渡淺沙。出邊天更渺無涯。譯通越戶仍輸賦。兵過畬田已種麻。秋入黃茅人避瘴。月寒白

鐵壁關

骨鬼思家跼鳥墮水尋常事浪泊區區豈足誇

虎踞關

虎踞關高駐旅雄威聲早震百蠻中陰雲匝地千山黑夜火烘天萬竈紅寶井地遙非斧畫金沙水闊有航通佇看鬼哭峯頭石石爛江枯再勸功寶井在猛密土司地時關緬賊以兵戍守鬼哭山在金沙江外王巖刻石處所謂石爛江枯爾乃得渡者也路皆從虎踞關出

春和相公經畧來滇余以故吏仍直幕府故

呈四律

宰臣親出擁旌麾金齒關前運握奇郭令身原藪

將相潞公名久動華夷蠶叢開道曾當日鹿階區形又一時早帶洗兵天上雨日南地總發華滋分憂自請靖邊陲萬里郵籤併日馳拜策仍辭推轂禮臨軒特賜出車詩便宜事不從中制忠益謀能集衆思相度既來功自速好磨樂石待韓碑屈指兵興一路中郵亭不斷憂刀弓頻年

聖主籌良將多少蒼生望相公關勢尚傳銅鐵固銅壁鐵壁二關名軍威兼列鶴鷺雄腐儒筐有雞毛筆要

咏平蠻第一功

天南豈易得從行六載曾隨禁地清故吏公猶殷

待士書生我本不知兵。汪童敢忘橫戈志。陵母能
堅伏劍情。憑仗運籌平蕩。早幕僚也得倖功名。

回鎮安官舍

兩載身隨勁旅。屯得歸。靡舍總
君恩。愧無績可留。銅柱敢。幸生猶入玉門口。不談
兵聊守默心。仍見獵想追奔。篋中一卷滇行草。彷彿
鴻泥指爪痕。

桂平道中

秋風吹上鬢毛斑。又數郵籤過急灘。遠嶺路高人
似豆空。江水落岸如山孤。吟詩應寒蟬噪。倦旅心

隨暮鳥還。向晚扁舟泊何處。一燈漁火認前灣。

鎮安土俗

見日常須到已。牌瘴深侵晚。總陰霾。城中屋少惟
官廨。牆上山多逼。郡齋俗有鬼神蠶。放蠶夜無盜
賊虎。巡街所欣民意安。吾拙相愛渾如鳥入懷。

哭果毅阿公病歿於軍

曾忝軍諮畫策長。血痕親見裹金瘡。可憐病到三
遺矢。猶自身衝百戰場。門望高還傳帶礪。國恩深
為紀旂常。獨悲丹旆還都日。故吏無由奠一觴。

花田

即素馨科南漢葬宮人處
多素馨花今為遊宴地

十里芳林傍水涯當年曾是玉鉤斜美人死後為
香草醉守來時正好花滿地種珠誇老圃千筐帶
露入豪家蠶娘頭上微風過勾盡遊人是鬢鴉

虎門望海

目力將窮境更賒望洋今日得雄誇信知地外皆
為水應到天邊始是涯蛟蜃噓還成幻市神仙過
或馭飛車蒼茫何處蓬壺路我欲揚帆採石華

大保傳文忠公挽詞

柱石身尊鎮廟堂驚傳紫府下迎將問牛相葉三
台地沃馬勲名兩戰場公以平金川人相征緬甸歸告終推轂任

隆增白髮飾巾

恩厚賜黃腸應知此痛關朝野不獨私情我暗傷
廿年宰相黑頭公一德堂廉

帝眷隆劍履雲臺身人畫河山鐵券策論公勲親

人地關休戚恩禮

君臣見始終從此日斜溫室樹更無宣召到廷

中公在時每日晚朝必召對

地望尊崇總百臺敢期寒峻受栽培我無私謁偏
投契公不談文乃愛才去定仙官班上列生原佛
地位中來敬容今日餘殘客櫂散憑何倚不材首

三選
阿公回京道經淮城相見話舊敬呈

信有熙朝柱石臣。文經武緯贊鴻鈞。巖叢路闢
千重嶺。麟閣形圖第一人。郭令勲名真益世。范公
憂樂總關民。十年重見頭還黑。此是蒼生福正新。

村舍即事

結習深知癖未除。時洪流輩笑軒渠。懶愁東帶見
生客。老尚典衣求異書。肯聽足音空谷外。稍留目
力短檠餘。山妻來告餐無肉。荅道今朝正喜蔬。
解嘲敢引北山文。游惰仍慚穀不分。閒每勸人為

善樂貧。惟教子讀書。勤漢陰機息。無爭俗。韋孟詩
成總舊聞。報國已無康濟具。或於風教補微勲。
一編勤過舉場時。積漸家風暗轉移。柳氏婢能輕
賣絹。白家姬亦托知詩。牀無阿堵煩人舉。手有摩
尼誦佛持。只恐風流遂成習。滿門俱作虎頭癡。
鄰翁邀我饌香秔。雜坐何妨笑語僮。將酒勸人無
惡意。借花獻佛也真情。杜陵泥飲遭田父。阮藉酣
呼對老兵。短髮飄蕭晚歸去。路人喚作醉先生。
哭外舅大學士程文恭公

黃扉方仰贊鴻鈞。何意騎箕遽返真。上殿每陳寬

大語舉朝共服老成人。故鄉屋僅堪容膝。退直書
 常擁等身欲識蓋棺公。論定早聞歎息徧朝紳。
 官班台輔壽耆年。寧復餘恫抱九泉。老去香山猶
 望子。病來疏廣未歸田。公以姪為嗣晚年常有乞
 身之思以恩重不敢請
 孤寒有客傷垂淚。言行何人錄作編。慚愧向蒙元
 獻愛。難將薄劣繼薪傳。

上元夕毘陵驛前泊舟與蓉龕前輩看燈

聯舟小泊運河濱。正是元宵節物新。邀月恰邀邀
 月客。看燈兼看看燈人。官符不下城門鎖。使節猶
 驛騎塵冠帶。迎賓尚游戲。可知都是野鷗身。時

工亭制府將
 過同出近之

和敬輿見題拙集之作

編寧復賭時名。聊遣閒愁自課程。身到罷官如
 敗將。詩因遇敵愁。交兵才無列宿胸。羅富味憶沉
 香鼻。觀清多愧故人虛獎借。尚嫌熟處未求生。
 將入都留別蓉龕蓉溪秋園敬輿緘齋諸人
 幽棲十載穩江鄉。忽被鑼聲催上場。有幾故人皆
 白髮。多年老婦再紅粧。連宵置酒煩驪唱。往日聯
 裾似雁行。別後定知真率會。也應為我一停觴。
 途次先寄京師諸故人

一出春明廿載遙。衰遲敢復逐時髦。江文通已無
殘錦。藍采和惟有舊袍。仕官幾家收局好。聲名平
日在山高。祇應晚節供描畫。共笑巢由下拜勞。
喫過鱗魚始出門。問渠何事戀江村。家貧婦或勞
兼婢。身老兒還小。似孫憫憫可憐原。俗態悠悠相
望也。銷魂始知膽力非。年少愧以孱羸說報恩。
將至臺庄忽兩臂頓患風痺。客中無醫徹夜
酸痛。迴舟歸里感成一律情見乎辭。
來往郵成一月期。歸舟仍繫綠楊枝。里鄰笑客原
輕出。依鶴催文已久移。散遣僮奴佳處去。收藏袍

帶。祭時披慚他。斗酒山妻話枉費。臨行餞伏雌。

歲暮雜詩

少日虛名冀北空。老來羞述舊豪雄。目中敢謂無
餘子。海內漸忘有以翁。鎖院草麻雞唱月。郵亭揮
檄馬嘶風。追思寸管矜才地。尚落禪家習氣中。
清間何物度晨昏。一縷爐烟息衆喧。歌舞戲場無
樂地。英雄歸路有儒門。勤抄先訓編家法。虔祝豐
年報

國恩青史他年傳。人物少微星倘在江村。

億生乞假南歸京華故人程葺園孫補山張

吟菊諸公俱聲存問感賦

屏居誰問讀書燈。只有生平幾舊朋。科老將如祀
廟主官休已似退。堂僧書來輦下人。千里夢對窓
前月。半梭自是名流憐臭味。相思何日辦行滕。

聞心餘京邸病風却寄

江湖十載穩漁簑。重入詞垣髻已皤。只擬老當嘗
蔗美。誰知上有積薪多。遷官階淺思烏府。君歸養
及再入詞館則資俸已在後輩之後乃保送御史已蒙上記名過客門稀感雀
羅。天未相思那得見。翻君舊稿一吟哦。

跋危詞場萬敵摧。如何乃築避風臺。少食酒已終

償債老訂詩。文章滿堆木。有文章原是病。石能言
語果為灾。可憐我亦拘攣臂。千里相望兩廢材。

第一孫生誌喜

中歲纔經嫁娶期。未遊五岳髻先絲。家貧聊喜添
丁富。孫早差償得子遲。賀客競稱循吏報。老妻自
訓作婆時。笑他白髮程文海。七十平頭始抱兒。程
園年近七旬
今歲始得子

甌北選集卷五

陽湖趙翼雲崧著
廣漢張懷漣玉溪選

偶題

風雨寒蕭晝掩廬。一編吟到夜窻虛。厨娘莫聒無
無粟我已修成乞米書。

戲題姮娥奔月圖

碧天清怨有誰知。奔月非關樂馳如此。此容華嫁
窮弄教他那得不分離。

種樹

胸中邱壑構何年。種樹為園翠蔽天。看是豪奢却
寒儉者他。六月搭棚錢。

灕江舟行

絕似盆池聚碧巖。嵌空石笋滿江灣。化丁也愛翻
新樣。反把真山學假山。

題春山仙奕圖

花落空山了不知。為他勝敗未分時。神仙已遣名
心斷。閒氣猶爭一着棋。

登船曲

廣宮遺種有名花。只在河南水一涯。今夜定情何

處宿。輕橈蕩入素馨斜。

照影晴波似鏡中。髻邊茉莉引香風。曉粧別有施
朱法。卯酒微醺兩頰紅。

于役古州途次雜咏

石磴摩雲往復還。青山隨我馬啼間。一鞭徑過山
應笑。這个官人不愛山。

廬山在望不及一遊詩以解嘲

記得前身本遠公。何須履跡徧山中。不來五老峯
邊坐。恐被人呼六老翁。

金陵

不到金陵廿六年。白門烟柳故依然。多情丁字簾前水。還向秦淮引客船。自丁卯以秋試至

虎印

拾完王珣築梵宮。千年變作綺羅叢。笑他佛也風流甚。身在烟花不斷中。

[Faint bleed-through text from the reverse side of the page, including characters like '千', '年', '變', '作', '綺', '羅', '叢', '笑', '他', '佛', '也', '風', '流', '甚', '身', '在', '烟', '花', '不', '斷', '中']

蘇北遺集卷之六

不到金陵廿六年。白門烟柳故依然。多情丁字。簾前水。還向秦淮。升客船。自丁卯以秋試至

虎邱

拾完王珣築梵宮。千年變作綺羅叢。笑他佛也。風流。豈真在烟花。不斷流。

